

四庫全書

史部

欽定四庫全書

資治通鑑卷一百五十二 宋 司馬光 撰

胡三省 音註

梁紀八 著雍澣
灘一年

高祖武皇帝八

大通二年春正月癸亥魏以北海王顥為驃騎大將軍

開府儀同三司相州刺史

驃匹妙翻騎奇
寄翻相息亮翻

魏北道行

臺楊津守定州城居鮮于修禮杜洛周之間迭來攻圍

津蓄薪糧治器械

治直之翻

隨機拒擊賊不能克津潛使人

以鐵券說賊黨賊黨有應津者遺津書曰賊所以圍城

正為取北人耳

說式芮翻遺于季翻為于偽翻

城中北人宜盡殺之不

然必為患津悉收北人內子城中而不殺衆無不感其

仁及葛榮代修禮統衆

榮得修禮之衆見上卷普通七年

使人說津許

以為司徒津斬其使固守三年

普通七年春津守定州至是三年說式芮翻其

使疏更翻

杜洛周圍之魏不能救津遣其子遁突圍出詣柔

然頭兵可汗求救遁日夜泣請頭兵遣其從祖吐豆發

帥精騎一萬南出前鋒至廣昌賊塞隘口

廣昌縣自漢以來屬代郡

自廣昌東南山南出倒馬關至中山上曲陽縣關山險隘實為深峭石磴逶迤沿塗九曲可從刊入聲汗音寒從才用翻帥讀曰柔然遂還乙丑津長史李裔引賊入率下同塞悉則翻

執津欲烹之既而捨之

史言城無糧援雖善守者不能支久

瀛州刺史元

寧以城降洛周

降戶江翻

乙丑魏潘嬪生女胡太后詐言皇

子

為後胡后立女張本嬪毗賓翻

丙寅大赦改元武泰

蕭寶寅圍馮

翊未下長孫稚軍至恒農

長知兩翻恒戶登翻

行臺左丞楊侃謂

稚曰昔魏武與韓遂馬超據潼關相拒遂超之才非魏

武敵也然而勝負久不決者扼其險要故也

事見六十六卷漢獻

帝建安十六年

今賊守禦已固雖魏武復生無以施其智勇

扶復

又不如北取蒲反

此用前漢書地理志蒲反字

度河而西入其腹心

此亦魏武之故智也

置兵死地則華州之圍不戰自解

五代志馮翊郡後魏

置華州華戶化翻

潼關之守必內顧而走支節既解長安可坐

取也若愚計可取願為明公前驅稚曰子之計則善矣然

今薛修義圍河東薛鳳賢據安邑宗正珍孫守虞坂不

得進

水經注曰虞坂即左傳所謂顛軫在傳巖東北十餘里東西絕澗於中築以成道指南北之路謂之

幹橋橋之東北有虞原上道東有虞城其城北對長坂
二十餘里謂之虞坂戰國策曰昔騏驥駕鹽車上虞坂
還延不能進正如何可往侃曰珍孫行陳一夫

行戶剛翻陳讀

此處也坂音反

曰因緣為將

將即亮翻

可為人使安能使人河東治在蒲反

治謂治所也

西逼河湑

湑船倫翻水厓也上平坦而下水深曰湑

封疆多在郡東

修義驅帥士民西圍郡城其父母妻子皆留舊村一旦

聞官軍來至皆有內顧之心必望風自潰矣稚乃使其

子子彥與侃帥騎兵自恒農北渡據石錐壁

五代志河東郡虞鄉

縣有石錐山於此築壘壁也

侃聲言今且停此以待步兵且觀民情

向背命送降名者各自還村俟臺軍舉三烽當亦舉烽

相應其無應烽者乃賊黨也當進擊屠之以所獲賞軍

於是村民轉相告語

背蒲妹翻語牛侶
翻降戶江翻下同

雖實未降者亦

詐舉烽一宿之間火光遍數百里賊圍城者不測其故

各自散歸修義亦逃還與鳳賢俱請降丙子稚克潼關

遂入河東會有詔廢鹽池稅

魏朝蓋謂弛鹽利以
與民可以得民也

稚上

表以為鹽池天產之貨密邇京畿唯應寶而守之均贍

以理今四方多虞府藏罄竭冀定擾攘

冀定二州時為
葛榮杜洛周攻

國常調之絹不復可收唯仰府庫

藏徂浪翻調徒弔翻復扶又翻仰魚向翻

有出無入略論鹽稅一年之中準絹而言不下三十萬

匹乃是移冀定二州置於畿甸今若廢之事同再失

此前

宣武帝用甄琛之言廢鹽池稅已為失計今又廢之是為再失

臣前仰違嚴旨不先討

關賊徑解河東者非緩長安而急蒲反一失鹽池三軍

乏食天助大魏茲計不爽

爽乖也

昔高祖昇平之年無所

乏少

少詩治翻

猶創置鹽官而加典護非與物競利恐由利而

亂俗也況今國用不足租徵六年之粟調折來歲之資

調徙弔翻

此皆奪人私財事不獲已臣輒符同監將尉

折之列翻

謂監鹽池之將尉也監還帥所部依常收稅帥讀曰更

工銜翻將即亮翻下同

聽後敕

謂合罷與否更聽後番敕下也

蕭寶寅遣其將侯終德擊毛遐

會郭子恢等屢為魏軍所敗

敗補邁翻下移敗同

終德因其勢挫

還軍襲寶寅至白門

長安城東出北來第三門曰青門意白門即西出南來第三門也

寶寅始覺丁丑與終德戰敗攜其妻南陽公主及其少

子帥麾下百餘騎自後門出奔万俟醜奴

少詩照翻騎奇寄翻万莫

北翻俟渠之翻

醜奴以寶寅為太傅二月魏以長孫稚為車騎

大將軍開府儀同三司雍州刺史尚書僕射西道行臺

雍於用翻

羣盜李洪攻燒鞏西關口以東

謂鞏縣以西伊關口以東也鞏縣漢

屬河南尹晉分屬滎陽郡

南結諸蠻魏都督李神軌武衛將軍費穆

討之穆敗洪于關口南遂平之葛榮擊杜洛周殺之

併其衆魏靈太后再臨朝以來

再臨朝見一百五十卷普通六年朝直遥

翻

嬖倖用事

嬖卑義翻又博計翻

政事縱弛恩威不立盜賊蠡起

封疆日蹙

謂秦隴以西冀并以北皆為盜區淮汝沂泗之間皆為梁所侵也

魏肅宗年

浸長太后自以所為不謹恐左右聞之於帝凡帝所愛

信者太后輒以事去之

長知兩翻
去羗呂翻

務為壅蔽不使帝知

外事通直散騎常侍昌黎谷士恢有寵於帝使領左右

散悉宜翻
騎奇寄翻

太后屢諷之欲用為州士恢懷寵不願出外

太后乃誣以罪而殺之有宦多道人能胡語帝常置左

右太后使人殺之於城南而懸賞購賊由是母子之間

嫌隙日深是時車騎將軍儀同三司并肆汾廣恒雲六

州討虜大都督爾朱榮

廣當作唐魏收志孝昌中置唐
州高歡建義改唐州曰晉州按

爾朱榮時駐
兵於晉陽

兵勢彊盛魏朝憚之

胡直
遥翻

高歡段榮尉景

蔡雋先在杜洛周黨中

高歡等歸杜洛周見一百五十卷普通六年

欲圖洛

周不果逃奔葛榮又亡歸爾朱榮劉貴先在爾朱榮所

屢薦歡於榮榮見其憔悴未之奇也

憔悴而遙翻

歡從榮

之馬廐廐有悍馬榮命歡翦之

髻馬而髻落之為翦悍戾肝翻

歡不加

羈絆而翦之

馬絡首曰羈繫足曰絆

竟不蹄齧起謂榮曰御惡人

亦猶是矣榮奇其言坐歡於牀下屏左右訪以時事歡

曰文公有馬十二谷

榮畜牧蕃庶以谷量馬屏必郢翻

色別為羣畜此

竟何用也

畜吁玉翻

榮曰但言爾意歡曰今天子闇弱太后

淫亂嬖孽擅命朝政不行

孽魚列翻
朝直遙翻

以明公雄武乘時

奮發討鄭儼徐紇之罪以清帝側霸業可舉鞭而成此

賀六渾之意也

高歡字
賀六渾

榮大悅語自日中至夜半乃出

自是每參軍謀并州刺史元天穆孤之五世孫也

孤拓跋鬱

律第四子

與榮善榮兄事之榮常與天穆及帳下都督賀拔

岳密謀欲舉兵入洛內誅嬖倖外清羣盜二人皆勸成

之榮上書以山東羣盜方熾

熾尺志翻

冀定覆沒官軍屢敗請

遣精騎三千東援相州

騎奇寄翻
相息亮翻

太后疑之報以念生

臬戮寶寅就擒醜奴請降關隴已定費穆大破羣蠻絳

蜀漸平又北海王顥帥衆二萬出鎮相州不須出兵

臬堅

堯翻降戶江翻

帥讀曰率下同

榮復上書

復扶又翻下帝復同

以為賊勢雖衰官

軍屢敗人情危怯恐實難用若不更思方略無以萬全

臣愚以為蠕蠕主阿那瓌荷國厚恩

蠕蠕之亂魏援立阿那瓌事見一百

四十九卷普通元年三年蠕人充翻荷下可翻

未應忘報宜遣發兵東趣下

口以躡其背

言阿那瓌荷魏保護之恩雖叛歸塞北未應漠然忘報恩之心下口蓋指飛狐口趣

七喻翻

北海之軍嚴加警備以當其前臣麾下雖少輒盡

力命自井陘以北滏口以西分據險要攻其肘腋

少詩
翻

陘音刑
滏音
釜腋音亦

葛榮雖并洛周威恩未著人類差異形勢

可分

杜洛周柔玄鎮民葛榮鮮于修禮之黨本非同類吞并為一及其新合亟加招討則形勢可分也

遂

勒兵召集義勇北捍馬邑東塞井陘徐紇說太后以鐵

券間榮左右榮聞而恨之魏肅宗亦惡儼紇等逼於太

后不能去

塞悉則翻說輸內翻間古
覓翻惡烏路翻去羗呂翻

密詔榮舉兵內向

欲以脅太后榮以高歡為前鋒行至上黨帝復以私詔

止之儼紇恐禍及已陰與太后謀酖帝癸丑帝暴殂

年
十

九甲寅太后立皇女為帝大赦既而下詔稱潘充華本

實生女

潘充華即前所謂潘嬪也生女見上正月乙丑

故臨洮王寶暉世子釗

體自高祖

臨洮王寶暉高祖之孫

宜膺大寶百官文武加二階宿

衛加三階乙卯釗即位釗始生三歲太后欲久專政故

貪其幼而立之爾朱榮聞之大怒謂元天穆曰主上晏

駕春秋十九海內猶謂之幼君况今奉未言之兒以臨

天下欲求治安其可得乎

治直吏翻

吾欲帥鐵騎赴哀山陵

翦除姦佞更立長君

更工衡翻長知兩翻

何如天穆曰此伊霍復

見於今矣乃抗表稱大行皇帝背棄萬方

復扶又翻背蒲妹翻

海

內咸稱酖毒致禍豈有天子不豫初不召醫貴戚大臣

皆不侍側安得不使遠近怪愕又以皇女為儲兩

太子謂之

儲君易曰明兩作離大人以繼明照四方故稱儲兩虛行赦宥上欺天下惑朝

野已乃選君於孩提之中實使姦豎專朝隳亂綱紀

直朝

遙翻此何異掩目捕雀塞耳盜鍾

塞悉則翻

今羣盜沸騰鄰敵

窺窬而欲以未言之兒鎮安天下不亦難乎願聽臣赴

闕參預大議問侍臣帝崩之由訪侍衛不知之狀以徐

鄭之徒付之司敗雪同天之恥

君父之仇義不同天

謝遠近之怨

然後更擇宗親以承寶祚榮從弟世隆時為直閣

更工衡翻

從才用翻下從子之從同

太后遣詣晉陽慰諭榮榮欲留之世隆曰

朝廷疑兄故遣世隆來今留世隆使朝廷得預為之備

非計也乃遣之

三月癸未葛榮陷魏滄州

魏肅宗熙平二年分

瀛冀二州置滄州治饒安城領浮陽樂陵郡

執刺史薛慶之居民死者什八

九乙酉魏葬孝明皇帝于定陵廟號肅宗爾朱榮

與元天穆議以彭城武宣王有忠勲

彭城王勲諡武宣忠勲謂侍孝文帝

疾立宣武帝
備極忠勤也

其子長樂王子攸素有令望欲立之

洛音

又遣從子天光及親信奚毅倉頭王相入洛與爾朱世隆密議天光見子攸具論榮心子攸許之天光等還晉

陽榮猶疑之乃以銅為顯祖諸孫各鑄像唯長樂王像

成

魏人立后皆鑄像以卜之慕容氏謂冉閔以金鑄已像不成胡人鑄像以卜君其來尚矣故爾朱榮效之

榮乃起兵發晉陽世隆逃出會榮於上黨靈太后聞之

甚懼悉召王公等入議宗室大臣皆疾太后所為莫肯

致言徐紇獨曰爾朱榮小胡敢稱兵向闕文武宿衛足

以制之但守險要以逸待勞彼懸軍千里士馬疲弊破

之必矣太后以為然以黃門侍郎李神軌為大都督帥

衆拒之別將鄭季明鄭先護將兵守河橋

帥讀曰率將即亮翻

武

衛將軍費穆屯小平津先護儼之從祖兄弟也榮至河

內復遣王相密至洛迎長樂王子攸

復扶又翻下榮復同

夏四月

丙申子攸與兄彭城王劼弟霸城公子正潛自高渚渡

河

考異曰楊銜之洛陽伽藍記高渚作雷波今從魏書

丁酉會榮於河陽將士

咸稱萬歲戊戌濟河子攸即帝位

帝彭城王劼之第三子

以劼為

無上王

幼彭城嫡嗣且魏主兄也封為無上王言其尊無上也有君而言無上君子是以知魏主之不

也終子正為始平王以榮為侍中都督中外諸軍事大將

軍尚書令領軍將軍領左右封太原王

領左右領左右千牛備身也

鄭先護素與敬宗善聞帝即位與鄭季明開城納之李

神軌至河橋聞北中不守

晉杜預建河橋於富平津河北側岸有二城相對魏高祖

置北中郎府徙諸從隸府戶并羽林虎賁領隊防之北中不守可以平行至洛陽矣宋白曰北中城即今河陽

城即遁還費穆棄衆先降於榮

降戶江翻

徐紇矯詔夜開殿

門取驂騑廐御馬十匹

驂騑駿馬也故東奔兖州將依魏以名御馬廐

羊侃

也為侃與統
而歸張本

鄭儼亦走還鄉里

鄭儼滎陽
開封人

太后盡召肅

宗後宮皆令出家太后亦自落髮榮召百官迎車駕已

亥百官奉璽綬備法駕迎敬宗於河橋

璽斯氏翻綬音
受考異曰伽

藍記云十二日爾朱榮軍于邙山之北河陰之野十三

日召百官迎駕至者盡誅之長歷是月戊子朔十二日

己亥也今

庚子榮遣騎執太后及幼主送至河陰

騎奇
寄翻

從魏書

太后對榮多所陳說榮拂衣而起沈太后及幼主於河

費穆密說榮曰公士馬不出萬人今長驅向洛前無橫

陳既無戰勝之威羣情素不厭服

沈持林翻說式芮翻
陳讀曰陣厭於葉翻

以京師之衆百官之盛知公虛實有輕侮之心若不大

行誅罰更樹親黨恐公還北之日未度太行而內變作

矣

更工衛翻
行戶剛翻

榮心然之謂所親慕容紹宗曰洛中人士繁

盛驕侈成俗不加芟翦終難制馭

芟所
銜翻

吾欲因百官出

迎悉誅之何如紹宗曰太后荒淫失道嬖倖弄權殺亂

四海

殺雜也錯也嬖卑
義翻又博計翻

故明公興義兵以清朝廷今無

故穢夷多士不分忠佞

穢息
廉翻

恐大失天下之望非長策

也榮不聽乃請帝循河西至淘渚

水經注孟津又曰富
平津又謂之淘河杜

幾試樓船於孟津覆於陶河即此也按爾朱榮傳陶渚在河陰西北三里南北長堤之西魏紀洵作陶杜佑曰河南河陽縣西南十三里有古遮馬堤即其處引百官於行宮西北云欲祭天

百官既集列胡騎圍之責以天下喪亂肅宗暴崩皆由

朝臣貪虐不能匡弼

騎奇寄翻喪息浪翻朝直遙翻

因縱兵殺之自丞

相高陽王雍司空元欽儀同三司義陽王略以下死者

二千餘人

考異曰北史云榮感費穆之言謂天下乘機可取乃譎朝士共為盟誓將向河陰西北

三里至南北長堤悉命下馬西度即遣胡騎圍之妄言丞相高陽王反殺王公二千餘人榮傳一千三百餘人

今從前黃門郎王遵業兄弟居父喪其母敬宗之從母

也相帥出迎俱死遵業慧龍之孫也

劉裕得晉權殺王愉其孫慧龍奔魏

著功名於南鄙從才用翻帥讀曰率

儁爽涉學時人惜其才而譏其躁

躁則

翻到

有朝士百餘人後至榮復以胡騎圍之令曰有能為

禪文者免死侍御史趙元則出應募遂使為之

考異曰北史

曰時隴西李神儁賴丘李諧太原溫子昇並當世辭人皆在圍中恥從是命俯伏不應按神儁等不應何得不死魏書本傳榮又令其軍士言元氏既滅爾朱氏興皆皆無其事

稱萬歲榮又遣數十人拔刀向行宮帝與無上王劼始

平王子正俱出帳外榮先遣并州人郭羅刹西部高車

叱列殺鬼侍帝側

剎初轄翻

詐言防衛抱帝入帳餘人即殺

劬及子正又遣數十人遷帝於河橋置之幕下帝憂憤

無計使人諭旨於榮曰帝王迭興盛衰無常今四方瓦

解將軍奮袂而起所向無前此乃天意非人力也我本

相投志在全生豈敢妄希天位

希望也

將軍見逼以至於

此若天命有歸將軍宜時正尊號若推而不居

推吐雷翻

存

魏社稷亦當更擇親賢而輔之

更工衡翻

時都督高歡勸榮

稱帝

考異曰魏司馬司馬子

魏爾朱榮傳曰於是獻武王與外兵參如等切諫陳不可之理榮曰愆誤若是

唯當以死謝朝廷今日安危之機計將何出獻武王等曰未若還奉長樂以安天下於是還奉莊帝北齊書神武紀云榮將篡位神武諫恐不聽請鑄像卜之鑄不成乃止蓋魏收與北齊史官欲為神武掩此惡故云爾今從周書賀左右多同之榮疑未決賀拔岳進曰將軍首拔岳傳

舉義兵志除姦逆大勲未立遽有此謀正可速禍未見

其福榮乃自鑄金為像凡四鑄不成功曹參軍燕郡劉

靈助善卜筮

漢高祖定天下燕仍為國昭帝改為廣陽郡後漢光武併上谷和帝復為廣陽郡晉

為廣陽國魏為燕郡燕因肩翻

榮信之靈助言天時人事未可榮曰若

我不吉當迎天穆立之靈助曰天穆亦不吉唯長樂王

有天命耳榮亦精神恍惚不自支持久而方寤

史言天位不可

以詐力奸恍呼廣翻惚音忽

深思愧悔曰過誤若是唯當以死謝朝

廷賀拔岳請殺高歡以謝天下左右曰歡雖復愚疎言

不思難

復扶又翻下更復同難乃旦翻

今四方多事須藉武將

將即亮翻請

捨之收其後效榮乃止夜四更復迎帝還營

更工衡翻

榮望

馬首叩頭請死榮所從胡騎殺朝士既多不敢入洛城

即欲向北為遷都之計榮狐疑甚久武衛將軍汎禮固

諫皇甫謐云汎本姓凡遭秦亂避地於汜水因氏馬汎音凡辛丑榮奉帝入城帝御

太極殿下詔大赦改元建義從太原王將士普加五階

在京文官二階武官三階百姓復租役三年

復方目
翻除也

時百

官蕩盡存者皆竄匿不出唯散騎常侍山偉一人拜赦

於闕下

山偉稱頌元乂而得進其人可知特乾沒以苟一時之利祿耳

洛中士民草草

詩巷伯曰勝人草草注云草草勝心也箋云草草憂將妄得罪也

人懷異慮或云榮欲

縱兵大掠或云欲遷都晉陽富者弃宅貧者襁負率皆

逃竄什不存一二

襁居
兩翻

直衛空虛官守曠廢

守手又翻
曠空也

榮乃上書稱大兵交際難可齊壹諸王朝貴橫死者衆

橫戶
孟翻

臣今粉軀不足塞咎

塞悉則翻

乞追贈亡者微申私責

無上王稱追尊為無上皇帝自餘死于河陰者王贈三

司三品贈令僕五品贈刺史七品已下白民贈郡鎮身

無

官爵謂之白民猶言白丁也郡鎮郡守鎮將也

死者無後聽繼即授封爵又遣

使者循城勞問

勞力到翻

詔從之於是朝士稍出人心粗安

粗坐
五翻

封無上王之子韶為彭城王榮猶執遷都之議帝

亦不能違都官尚書元湛爭之以為不可

漢成帝置三公曹尚書主

斷獄光武改三公曹主考課置中都官曹尚書主水火盜賊事魏置尚書都官郎佐督軍事晉以三公尚書掌

刑獄宋三公比部主刑法又置都官尚書主軍事
刑獄至隋乃改都官尚書為刑部尚書諶氏士翻榮怒

曰何關君事而固執也且河陰之事君應知之諶曰天

下事當與天下論之奈何以河陰之酷而恐元諶諶國

之宗室位居常伯

尚書古常伯之任

生既無益死復何損

復扶又翻

正使今日碎首流腸亦無所懼榮大怒欲抵諶罪爾朱

世隆固諫乃止見者莫不震悚諶顏色自若後數日帝

與榮登高見宮闕壯麗列樹成行

行戶剛翻

乃歎曰臣昨愚

闇有北遷之意今見皇居之盛熟思元尚書言深不可

奪由是罷遷都之議諶謚之兄也癸亥以江陽王繼為
太師北海王顥為太傅光祿大夫李延寔為太保賜爵
濮陽王并州刺史元天穆為太尉賜爵上黨王前侍中
楊椿為司徒車騎大將軍穆紹為司空領尚書令進爵
頓丘王雍州刺史長孫稚為驃騎大將軍開府儀同三
司賜爵馮翊王

雍於用翻長知兩翻
驃匹妙翻騎奇寄翻

殿中尚書元諶為

尚書右僕射賜爵魏郡王金紫光祿大夫廣陵王恭加
儀同三司其餘起家暴貴者不可勝數延寔冲之子也

李冲柄用於文明孝文之時勝音升

以帝舅故得超拜徐紇弟獻伯為北

海太守季產為青州長史紇使人告之皆將家屬逃去

與紇俱奔泰山

泰山郡屬兗州所謂東奔兗州也

鄭儼與從兄滎陽太

守仲明謀據郡起兵

從才用翻

為部下所殺丁未詔內外解

嚴 魏郢州刺史元顯達請降

降戶江翻

詔郢州刺史元樹

迎之

魏克義陽以梁之司州為郢州梁之郢州治江夏郡

夏侯夔亦自楚城往會

之遂留鎮焉改魏郢州為北司州以夔為刺史兼督司

州

梁初義陽臨僑置司州于闕南今黃州黃陂縣之地既復義陽因為北司州

夔進攻毛城

逼新蔡豫州刺史夏侯亶圍南頓攻陳項魏行臺源子

恭拒之 庚戌魏賜爾朱榮子乂羅爵梁郡王 柔然

頭兵可汗數入貢于魏

可從刊入聲汗音寒數所角翻

魏詔頭兵贊拜

不名上書不稱臣 魏汝南王悅及東道行臺臨淮王

或聞河陰之亂皆來奔先是魏人降者皆稱魏官為偽

先悉薦翻

或表啓獨稱魏臨淮王上亦體其雅素不之責魏

北海王顥將之相州至汲郡聞葛榮南侵及爾朱榮縱

暴陰為自安之計盤桓不進以其舅殷州刺史范遵行

相州事代前刺史李神守鄴行臺甄密知顯有異志相

帥廢遵

甄之人翻
帥讀曰率

復推李神攝州事

復扶
又翻

遣兵迎顯且

察其變顯聞之帥左右來奔

為後送顯北還
張本帥讀曰率

密琛之從

父弟也

甄琛事魏宣武
帝從才用翻

北青州刺史元世儁南荊州刺

史李志皆舉州來降

魏北青州治東陽去梁境甚遠五
代志東海郡梁置南北二青州郡

領懷仁縣又注云梁置南北二青州意者元世儁以懷
仁之地來降也志又曰春陵郡後魏置南荊州降戶江翻

五月丁巳朔魏加爾朱榮北道大行臺以尚書右僕

射元羅為東道大使

使疏
吏翻

光祿勳元欣副之巡方黜陟

先行後聞欣羽之子也

羽孝文帝之弟封廣陵王

爾朱榮入見魏主

於明光殿

見賢遍翻下朝見同

重謝河橋之事

重直用翻

誓言無復貳

心帝自起止之因復為榮誓言無疑心

復扶又翻下不復同為于偽翻

榮喜因求酒飲之熟醉帝欲誅之左右苦諫乃止即以

牀輦向中常侍省

輦羊茹翻舉車為輦

榮夜半方寤遂達旦不眠

自此不復禁中宿矣榮女先為肅宗嬪榮欲敬宗立以

為后帝疑未決黃門侍郎祖瑩曰昔文公在秦懷嬴入

侍事有反經合義

左傳晉世子圉質于秦秦伯以女妻之子圉逃歸公子重耳入秦秦納女

五人懷羸與焉秦羸氏也國謚懷公故曰懷羸
漢儒以反經合道為權祖瑩本此嬪毗賓翻

陛下獨

何疑焉帝遂從之榮意甚悅榮舉止輕脫喜馳射

喜許記翻

每入朝見更無所為唯戲上下馬於西林園宴射恒請

皇后出觀并召王公妃主共在一堂每見天子射中輒

自起舞叫將相卿士悉皆盤旋

上時掌翻恒戶登翻中竹仲翻將即亮翻相息

亮翻乃至妃主亦不免隨之舉袂及酒酣耳熱必自匡坐

唱虜歌

匡坐正坐也虜歌胡歌也

日暮罷歸與左右連手蹋地唱回

波樂而出

此所謂蹋歌也回波樂曲名樂音洛

性甚嚴暴喜愠無常刀槊

弓矢不離於手

離色角翻
離力智翻

每有瞋嫌

瞋昌真翻

輒行擊射

而射

亦翻

左右恒有死憂

恒戶登翻

嘗見沙彌重騎一馬

去俗為僧
受度而未

受戒者謂之沙彌重騎者
二人共騎也重直龍翻

榮即令相觸力窮不能復動

復扶又翻

遂使傍人以頭相擊死而後已辛酉榮還晉陽帝

餞之於邙陰

邙陰山
之北也

榮令元天穆入洛陽加天穆侍

中錄尚書事京畿大都督兼領軍將軍以行臺郎中蔡

乾朱瑞為黃門侍郎兼中書舍人朝廷要官悉用其腹

心為之

丙寅魏主詔孝昌以來凡有冤抑無訴者悉

集華林東門當親理之時承喪亂之後

喪息浪翻

倉廩虛竭

始詔入粟八千石者賜爵散侯

此有官入粟者之賜也魏制散侯降開國侯一

品散悉宜翻

白民輸五百石者賜出身沙門授本州統及郡

縣維那

維那各管其郡縣之僧

爾朱榮之趣洛也

趣七喻翻

遣其都督

樊子鵠取唐州唐州刺史崔元珍行臺鄺惲拒守不從乙亥

子鵠拔平陽斬元珍及惲

惲於粉翻

元珍挺之從父弟也

從才用翻

將軍曹義宗圍魏荊州堰水灌城不沒者數板時魏

方多難不能救

難乃旦翻

城中糧盡刺史王羆煮粥與將士

均分食之每出戰不擇甲冑仰天大呼曰

擇音官呼火故翻

荆

州城孝文皇帝所置

魏孝文太和中置荊州於穰城

天若不祐國家令

箭中王罷額不爾王罷必當破賊彌歷三年前後搏戰

甚衆亦不被傷

中作仲翻被皮義翻

癸未魏以中軍將軍費穆都

督南征諸軍事將兵救之

將即亮翻

魏臨淮王彧聞魏主

定位乃以母老求還辭情懇至上惜其才而不能違六

月丁亥遣彧還魏以彧為侍中驃騎大將軍加儀同三

司

驃匹妙翻騎奇寄翻

魏員外散騎常侍高乾祐之從子也

高祐允之

從祖弟從才用翻

與弟教曹季式皆喜輕俠

喜許記翻

與魏主有舊

爾朱榮之向洛也逃奔齊州聞河陰之亂遂集流民起

兵於河濟之間受葛榮官爵頻破州軍魏主使元欣諭

旨乾等乃降

濟子禮翻降戶江翻

以乾為給事黃門侍郎兼武衛

將軍教曹為通直散騎侍郎榮以乾兄弟前為叛亂不

應復居近要魏主乃聽解官歸鄉里教曹復行抄掠

復扶

又翻抄楚交翻

榮誘執之與薛修義同拘於晉陽

薛修義為龍門鎮將附蕭

寶寅既降而反側故亦被拘誘音固

教曹名昂以字行

教曹之父以其子昂藏教曹故以為

名

葛榮軍乏食遣其僕射任褒將兵南掠至沁水

沁水

縣自漢以來屬河南郡任音壬沁午侵翻

魏以元天穆為大都督東北道諸

軍事帥宗正珍孫等討之

帥讀曰率下同

前幽州平北府主簿

河間邢杲帥河北流民十萬餘戶反於青州之北海自

稱漢王改元天統戊申魏以征東將軍李叔仁為車騎

大將軍儀同三司帥衆討之辛亥魏主詔曰朕當親御

六戎

戎兵也六戎猶言六軍也

掃靜燕代

燕因肩翻

以大將軍爾朱榮為

左軍上黨王天穆為前軍司徒楊椿為右軍司空穆紹

為後軍葛榮退屯相州之北

亮相息翻

秋七月乙丑魏加爾

朱榮柱國大將軍錄尚書事

魏初置柱國大將軍長孫嵩以開國元勳加此號

壬子魏光州民劉舉聚衆反於濮陽

濮博水翻

自稱皇武

大將軍

是月万俟醜奴自稱天子置百官會波斯國

獻師子於魏

波斯國都宿利城在忸密西古條支國也去代都二萬四千二百二十八里

醜

奴留之改元神獸

魏泰山太守羊侃

守式又翻

以其祖規

嘗為宋高祖祭酒從事常有南歸之志徐統往依之因

勸侃起兵侃從之兗州刺史羊敦侃之從兄也

從才周翻

密

知之據州拒侃八月侃引兵襲敦弗克

魏兗州刺史治瑕丘泰山太守

治博築十餘城守之且遣使來降

使疏吏翻降戶江翻

詔廣晉縣侯

泰山羊鴉仁等將兵應接

沈約志郡陽郡有廣晉縣本吳所置廣昌縣晉武帝太康

元年更名廣晉

魏以侃為驃騎大將軍泰山公兗州刺史侃斬

其使者不受將軍王弁侵魏徐州蕃郡民續靈珍擁衆

萬人攻蕃郡以應梁

魏徐州治彭城領彭城南陽平蕃沛蘭陵北濟陰碭郡蕃縣漢晉屬

魯國魏孝昌三年置蕃郡治蕃城五代志徐州滕縣舊曰蕃置蕃郡隋開皇十六年改曰滕郡尋廢郡為縣蕃

音皮又音翻

魏徐州刺史楊昱擊靈珍斬之弁引還甲辰

魏大都督宗正珍孫擊劉舉於濮陽滅之 葛榮引兵

圍鄴衆號百萬遊兵已過汲郡

汲郡隋唐之衛州

所至殘掠爾

朱榮啟求討之九月爾朱榮召從子肆州刺史天光留

鎮晉陽曰我身不得至處非汝無以稱我心

從才用翻稱尺證翻

自帥精騎七千馬皆有副

魏收魏書云帥騎七萬帥讀曰率騎奇寄翻

倍道

兼行東出滏口以侯景為前驅

滏音釜

葛榮為盜日久

梁普

通七年葛榮得鮮于修禮之衆寇掠河北

橫行河北爾朱榮衆寡非敵議者

謂無取勝之理葛榮聞之喜見於色

見賢通翻

令其衆曰此

易與耳

易弋
跋翻

諸人俱辨長繩至則縛取自鄴以北列陳

數十里箕張而進

如箕之張也
陳讀曰陣

爾朱榮潛軍山谷為奇

兵分督將已上三人為一處處有數百騎令所在揚塵

鼓譟使賊不測多少

將即亮翻
少詩治翻

又以人馬逼戰刀不如

棒勒軍士齋袖棒一枚置於馬側至戰時慮廢騰逐不

聽斬級

斬級者斬首
以計功級

以棒棒之而已

棒蒲
項翻

分命壯勇所

向衝突號令嚴明戰士同奮爾主榮身自陷陳出於賊

後表裏合擊大破之於陳擒葛榮

陳讀
曰陣

餘衆悉降

降戶
江翻

以賊徒既衆若即分割恐其疑懼或更結聚乃下令各

從所樂

樂音洛

親屬相隨任所居止於是羣情大喜登即

四散

登者登時也

數十萬衆一朝散盡待出百里之外乃始

分道押領隨便安置咸得其宜擢其渠帥量才授任新

附者咸安時人服其處分機速

帥所類翻量音良處昌呂翻分扶問翻

以

檻車送葛榮赴洛冀定滄瀛殷五州皆平時上黨王天

穆軍於朝歌之南穆紹楊椿猶未發而葛榮已滅乃皆

罷兵

是年夏魏主將北征以爾朱榮為左軍楊椿為右軍穆紹為後軍

初宇文肱從鮮

于修禮攻定州戰死于唐河

魏收志定州中山郡唐縣有唐水水經唐水渠源盧

奴縣西北東流至唐城西北隅竭而為河其水南入小溝下注澠水

其子泰在修禮軍中

修禮死從葛榮葛榮敗爾朱榮愛泰之才以為統軍

字文

泰事

始此乙亥魏大赦改元永安辛巳以爾朱榮為大丞相

都督河北畿外諸軍事榮子平昌公文殊昌樂公文暢

並進爵為王

樂音洛

以楊椿為太保城陽王徽為司徒冬

十月丁亥葛榮至洛魏主御闔闔門

洛城西面有廣陽西明闔闔三門又

洛陽宮城門曰闔闔注已見八十四卷晉惠帝太安元年

引見斬於都市帝以魏

北海王顥為魏王遣東宮直閤將軍陳慶之將兵送之

還北

將即亮翻

考異曰梁魏帝紀皆云以顥為魏主

唯顥傳作魏

王按魏封劉昶為宋王蕭寶寅為齊

王蕭譽為梁王皆俟得國然後使稱帝耳若顥在南已稱魏帝當行即位之禮又梁朝應以客禮待之又顥不應再即帝位於渙水蓋由王字與主

字止欠一點故多致謬誤今從顥傳

丙申魏以太原

王世子爾朱菩提為驃騎大將軍開府儀同三司

菩提薄乎翻

丁酉以長樂等七郡各萬戶通前十萬戶為太原王榮

國

樂音洛

戊戌又加榮太師皆賞擒葛榮之功也壬子

魏江陽武烈王繼卒

魏使征虜將軍韓子熙招論邢

杲杲詐降而復反

降戶江翻
優扶又翻

李叔仁擊杲於惟水

惟水當作

澠水水經澠水出琅瑯箕縣東北過東武城縣西又北
過平昌縣東又北過高密縣西又北過淳于縣東又東
北過下密縣故城西又東北過都昌縣東又東北入于
海五代志後魏北海郡膠東縣隋改曰澠水縣後又改
曰下密縣

澠音維

失利而還

還從宣翻
又如字

魏費穆奄至荊州曹

義宗軍敗為魏所擒荊州之圍始解

荊州受圍
三年始解

元顥襲

魏鉅城而據之

鉅縣漢屬沛郡魏晉屬譙郡宋白曰
宿州臨渙縣漢鉅縣地鉅竹乙翻

魏

行臺尚書左僕射于暉等兵數十萬擊羊侃於瑕丘

劉

曰瑕丘春秋時魯之瑕邑宋以
為兗州治所隋始置瑕丘縣

徐紇恐事不濟說侃請

乞師於梁

說式為翻

侃信之訖遂來奔暉等圍侃十餘重

直重

龍翻

柵中矢盡南軍不進十一月癸亥夜侃潰圍出且戰

且行一日一夜乃出魏境至渣口

水經引郡國志曰偏陽有祖水南亂于沂

而注于沐謂之祖口春秋諸侯會吳于祖即此渣側加翻

衆尚萬餘人馬二千匹士

卒皆竟夜悲歌侃乃謝曰卿等懷土理不能相隨幸適

去留

言或去或留各從其意也

於此為別各拜辭而去魏復取泰山

復扶又翻又如字

暉勁之子也

于勁事魏孝文帝

戊寅魏以上黨王

天穆為大將軍開府儀同三司世襲并州刺史 十二

月庚子魏詔于暉還師討邢杲 葛榮餘黨韓樓復據

幽州反

為爾朱榮遣將平韓樓張本復扶又翻

北邊被其患

被皮義翻

爾朱榮

以撫軍將軍賀拔勝為大都督鎮中山樓畏勝威名不敢南出

資治通鑑卷一百五十二

欽定四庫全書

資治通鑑卷一百五十三 宋 司馬光 撰

胡三省 音註

梁紀九

屠維作
靈一年

高祖武皇帝九

中大通元年

是年十月
方改元

春正月甲寅魏于暉所部都督

彭樂帥二千餘騎叛犇韓樓暉引還

不敢復進軍討邢
果帥讀曰率騎奇

寄辛酉上祀南郊大赦 甲子魏汝南王悅求還國

許之

悅來奔見上卷上年

辛巳上祀明堂

二月甲午魏主尊

彭城武宣王為文穆皇帝廟號肅祖母李妃為文穆皇

后將遷神主於太廟以高祖為伯考大司馬兼錄尚書

臨淮王彧表諫以為漢高祖立太上皇帝於香街

香街在漢

長安故城內左馮翊府東北

光武祀南頓君於舂陵

事見四十三卷建武十九年

元帝之於光武已䟽絕服

服至袒免則無服謂之絕服

猶身奉子道

入繼大宗

漢元帝以太宗則上距景帝七世光武上接景帝亦數數之則上距景帝七世

七世五服之次親盡無服而光武中興以赤劉之九之符繼元帝為九世而別為舂陵節侯以下立四親廟於

春陵高祖德洽寰中道超無外肅祖雖勲格宇宙猶北面

為臣又二后皆將配饗乃是君臣並筵嫂叔同室竊謂

不可吏部尚書李神儁亦諫不聽或又請去帝著皇請

帝著皇亦引漢悼皇共皇為據去毛呂翻著則畧翻亦不聽詔更定二百四十

號將軍為四十四班天監七年定將軍為二十四班是

將軍進輕車班中以輕車班中征遠度入寧遠班中又

置安遠將軍代貞武宣遠代明烈其戎夷之號亦加附

擬選序則依此承用遂以定制轉則進一班黜則退一班班即

階也同班以優劣為前後有鎮衛驃騎車騎同班四中四征

同班八安同班四平四翊同班忠武軍師同班武臣爪

牙龍騎雲麾冠軍同班鎮兵翊師宣毅宣惠四將軍東

西南北四中郎將同班智威仁威勇威信威嚴威同班
智武仁武勇武信武嚴武同班謂為五德將軍輕車振
朔武旅貞毅明威同班寧遠安遠征遠振遠宣遠同班
威雄威猛威烈威振威信威威威威威威威威威威威
班武猛武略武勝武力武毅武健武烈武威武威武威
同班猛毅猛烈猛威猛銳猛震猛進猛智猛略猛勝猛
駿同班壯武壯勇壯烈壯猛壯銳壯盛壯毅壯志壯意
壯力同班驍雄驍桀驍猛驍烈驍武驍勇驍銳驍名驍
勝驍迅同班雄猛雄威雄明雄烈雄信雄雄雄雄雄雄
雄壯雄健同班忠勇忠烈忠猛忠銳忠壯忠毅忠忠忠
信忠義忠勝同班明智明略明遠明勇明烈明威明勝
明進明銳明毅同班光烈光明光英光遠光勝光銳光
命光勇光戎光野同班颯勇颯猛颯烈颯銳颯奇颯決
颯起颯略颯勝颯出同班龍驤虎視雲旗風烈電威雷
音馳銳追鋒羽騎突騎同班開遠略遠貞威決勝清野
堅銳輕銳拔山雲勇振旅同班超武鐵騎樓船宣猛樹

功克敵平虜稜威昭威威戎同班伏波雄戟長劒衝冠
雕騎伏飛勇騎破敵克敵威虜同班前鋒武毅開邊招
遠全威破陣蕩寇殄虜橫野馳射同班牙門期門同班
侯騎熊渠同班中堅典戎同班執訊行陣同班伏武懷
奇同班偏裨將軍同班凡
二百四十號為四十四班
壬寅魏詔濟陰王暉業兼行

臺尚書

濟子禮翻書作微業今從魏書

考異曰梁

都督丘大千等鎮梁國

暉業小新成之曾孫也

小新成見一百二十九卷宋孝武帝大明五年

三月

壬戌魏詔上黨王天穆討邢杲以費穆為前鋒大都督

夏四月癸未魏遷肅祖及文穆皇后神主于太廟又
追尊彭城王劭為孝宣皇帝臨淮王彧諫曰茲事古所

未有

言自古未有以皇帝追尊其兄者今按自唐高宗以後率多追謚其子弟為皇帝作俑者魏敬宗也

陛下作而不法後世何觀

用左傳曹劇語意

弗聽

魏元天穆

將擊邢杲以北海王顥方入寇集文武議之衆皆曰杲

衆彊盛宜以為先行臺尚書薛琚曰

琚昌六翻

邢杲兵衆雖

多鼠竊狗偷非有遠志顥帝室近親

顥北海王詳之子於魏主從兄弟也

來稱義舉其勢難測宜先去之

去羌呂翻

天穆以諸將多欲

擊杲又魏朝亦以顥為孤弱不足慮

將即亮翻朝直遥翻

命天穆

等先定齊地還師擊顥遂引兵東出顥與陳慶之乘虛

自鉅城進拔榮城遂至梁國

水經注春秋沙隨之地杜預注以為即梁國寧陵縣

北之沙陽亭俗謂之堂城榮堂字相近意即此地而字訛也鉅陟栗翻

魏丘大千有衆七

萬分築九城以拒之慶之攻之自旦至申拔其三壘大

千請降

降戶江翻下同

顥登壇燔燎即帝位於睢陽城南改元

孝基

睢音雖魏主號年孝基入據鉅城顥傳永安二年四月于

考異曰魏帝紀去年十月蕭衍以顥為

梁國城南登壇燔燎

濟陰王暉業帥羽林兵二萬軍考

年號孝基今從之城前漢梁國有留縣後漢章帝更名考城屬陳留郡晉省宋屬濟陽郡五代志曰梁郡考城縣後魏曰考陽

置北梁郡隋復為考城

慶之攻拔其城禽暉業

考異曰魏書

縣屬宋州帥讀曰率

資治通鑑

四

帝紀克考城在辛丑後今從梁帝紀

辛丑魏上黨王天穆及爾朱兆破

邢杲於濟南

濟子禮翻

杲降送洛陽斬之兆崇之從子也

才從

用翻五月丁巳魏以東南道大都督楊昱鎮滎陽尚書僕

射爾朱世隆鎮虎牢侍中爾朱世承鎮崞峒

崞五各翻峒與坂同

音反乙丑內外戒嚴戊辰北海王顥克梁國顥以陳慶之

為衛將軍徐州刺史引兵而西

引兵而西直指洛陽

楊昱擁衆七

萬據滎陽慶之攻之未拔顥遣人說昱使降昱不從

說式

茂翻天穆與驃騎將軍爾朱吐沒兒將大軍前後繼至

驃匹

妙翻騎奇寄翻
將即亮翻下同

梁士卒皆恐慶之解鞍秣馬諭將士曰

吾至此以來屠城略地實為不少

少詩治翻

君等殺人父兄

掠人子女亦無筭矣天穆之衆皆是仇讐我輩衆纔七

千虜衆三十餘萬今日之事唯有必死乃可得生耳虜

騎多不可與之野戰當及其未盡至急攻取其城而據

之諸君勿或狐疑自取屠膾乃鼓之使登城將士即相

帥蟻附而入

帥讀曰率

癸酉拔滎陽執楊昱

楊昱輕慶之兵少不料其肉薄

急攻故城陷傳曰敵無小不可以師

諸將三百餘人伏顯帳

前請曰陛下渡江三千里無遺鏃之費昨滎陽城下一

朝殺傷五百餘人願乞楊昱以快衆意昱曰我在江東

聞梁主言初舉兵下都袁昂為吳郡不降每稱其忠節

事見一百四十四卷齊和帝中興元年降戶江翻楊昱忠臣奈何殺之此外唯

卿等所取於是斬昱所部統帥三十七人皆刳其心而

食之帥所類翻俄而天穆等引兵圍城慶之帥騎三千背城

力戰大破之帥讀曰率背蒲妹翻天穆吐沒兒皆走慶之進擊虎

牢爾朱世隆弃城走獲魏東中郎將辛纂

魏東中郎府在虎牢魏

主將出避顯未知所之或勸之長安中書舍人高道穆

曰關中荒殘何可復往

復扶又翻

顯士衆不多乘虛深入由

將帥不得其人故能至此陛下親帥宿衛

將即亮翻帥所類翻親帥

讀曰

高募重賞背城一戰臣等竭其死力破顯孤軍必

矣或恐勝負難期則車駕不若渡河徵大將軍天穆大

丞相榮各使引兵來會犄角進討

犄居蟻翻

旬月之間必見成功此萬

全之策也魏主從之甲戌魏主北行夜至河內郡北

河內

郡治野王魏主自洛北如河內當夜至郡城南不應至郡城北恐誤

命高道穆於燭下作

詔書數十紙布告遠近於是四方始知魏主所在乙亥

魏主入河內臨淮王或安豐王延明帥百僚封府庫備

法駕迎顥

考異曰或傳無迎顥事而梁陳慶之丙子北齊宋遊道傳有之蓋魏史為或諱也

顥入洛陽宮改元建武大赦以陳慶之為侍中車騎大

將軍增邑萬戶楊椿在洛陽椿弟順為冀州刺史兄子

侃為北中郎將從魏主在河北顥忌椿而以其家世

顯重恐失人望未敢誅也

楊播楊椿兄弟仕魏一門貴盛子姪通顯累朝榮赫侃播

之子也或勸椿出亡椿曰吾内外百口何所逃匿正當坐

待天命耳顓後軍都督侯暄守睢陽為後援

睢陽即梁國睢音雖

魏行臺崔孝芬大都督刁宣馳往圍暄晝夜急攻戊寅

暄突走禽斬之上黨王天穆等帥衆四萬攻拔大梁

大梁

即陳留浚儀縣

分遣費穆將兵二萬攻虎牢顓使陳慶之擊之

天穆畏顓將北渡河謂行臺郎中濟陰溫子昇曰卿欲

向洛為隨我北渡

天穆開兩端以問子昇濟子禮翻

子昇曰王上以虎

牢失守

守式又翻

致此狼狽元顓新入人情未安今往擊之

無不克者大王平定京邑奉迎大駕此桓文之舉也捨

此北渡竊為大王惜之

為于偽翻

天穆善之而不能用遂引

兵渡河費穆攻虎牢將拔聞天穆北渡自以無後繼遂

降於慶之

降戶江翻

慶之進擊大梁梁國皆下之

睢陽即梁國下遐稼

翻

慶之以數千之衆自發鉅縣至洛陽凡取三十二城

四十七戰所向皆克顥使黃門郎祖瑩作書遺魏主曰

遺于季翻

朕泣請梁朝誓在復耻正欲問罪於爾朱出卿於

桎梏

朝直遙翻桎之曰翻桎苦沃翻

卿託命豺狼委身虎口假獲民地

本是榮物固非卿有

顥言爾朱榮擅命顥所得一民尺地皆爾朱榮之物非魏主之有

今國家隆替在卿與我若天道助順則皇魏再興脫或

不然在榮為福於卿為禍卿宜三復

三蘇暫翻復扶又翻

富貴可

保顥既入洛自河以南州郡多附之齊州刺史沛郡王

欣集文武議所從曰北海長樂俱帝室近親

顥北海王詳之子魏

主彭城王魏之子同出於顥祖樂音洛

今宗祏不移

杜預曰宗祏今廟中藏主石室也祏音石

我欲受赦諸君意何如在坐莫不失色

坐徂臥翻

軍司崔光

韶獨抗言曰元顥受制於梁引寇讐之兵以覆宗國此

魏之亂臣賊子也豈唯大王家事所宜切齒下官等皆

受朝眷

朝眷謂朝廷恩眷也朝直遙翻

未敢仰從長史崔景茂等皆曰

軍司議是欣乃斬顥使

使疏吏翻下同

光韶亮之從父弟也

崔亮

貴顯於延昌熙平

于是襄州刺史賈思同

魏孝昌中置襄州領襄城

之間從才用翻

舞陰南安期城宣義

廣州刺史鄭先護

魏主置廣州治魯陽領南陽順

陽定陵魯陽汝

南兗州刺史元暹

魏正光中置南兗州治譙城領陳留梁郡

下蔡譙郡北梁

亦不受顥命思同思伯之弟也

賈思伯見一百

四十九卷

顥以冀州刺史元孚為東道行臺彭城郡王

孚封送其書於魏主平陽王敬先起兵於河橋以討顥

不克而歿魏以侍中車騎將軍尚書右僕射爾朱世隆

為使持節行臺僕射大將軍相州刺史鎮鄴城

相息亮翻

魏

主之出也單騎而去侍衛後宮皆案堵如故顥一旦得

之號令已出四方人情想其風政而顥自謂天授遽有

驕怠之志宿管賓客近習咸見寵待干擾政事日夜縱

酒不恤軍國所從南兵陵暴市里朝野失望高道穆兄

子儒自洛陽出從魏主魏主問洛中事子儒曰顥敗在

旦夕不足憂也爾朱榮聞魏主北出即時馳傳見魏主

於長子行且部分魏主即日南還

爾朱榮既至魏主有所倚以攻顯故即日

南還傳張懋翻分扶問翻

榮為前驅旬日之間兵衆大集資糧器仗

相繼而至六月壬午魏大赦榮既南下并肆不安乃以

爾朱天光為并肆等九州行臺

九州并肆恒朔雲蔚顯汾晉也

仍行并

州事天光至晉陽部分約勒所部皆安己丑費穆至洛

陽顯引入責以河陰之事而殺之

費穆勸爾朱榮殺顯王公事見上卷

使都督宗正珍孫與河內太守元襲據河內爾朱榮攻

之上黨王天穆引兵會之壬寅拔其城斬珍孫及襲

辛亥魏淮陰太守晉鴻以湖陽來降

五代志春陵郡湖陽縣後魏置西淮

安郡及南襄州淮陰當作淮安

閏月己未南康簡王績卒

魏北海

王顥既得志密與臨淮王彧安豐王延明謀叛梁以事

難未平

難乃旦翻

藉陳慶之兵力故外同內異言多猜忌慶

之亦密為之備說顥曰

說式芮翻

今遠來至此未服者尚多

彼若知吾虛實連兵四合將何以禦之宜啟天子

天子謂梁

武帝更請精兵并敕諸州有南人沒此者悉須部送顥欲

從之延明曰慶之兵不出數千已自難制今更增其衆

寧肯復為人用乎

復扶又翻下更復敢復遠復顓復時復或復同

大權一去動

息由人魏之宗廟於斯墜矣顓乃不用慶之言又慮慶

之密啓

慮慶之密啓其事於上

乃表於上曰今河北河南一時克

定唯爾朱榮尚敢跋扈臣與慶之自能禽討州郡新服

正須綏撫不宜更復加兵搖動百姓上乃詔諸軍繼進

者皆停於境上

陳慶之非爾朱榮敵也是時梁之諸將又皆出慶之下使相與繼進至洛與元

顓互相猜阻亦必同歸于陷沒梁兵之不進梁之洛中幸也武帝不務自治而務遠略所以有侯景之禍

南兵不滿一萬而羌胡之衆十倍軍副馬佛念為慶之

曰凡一軍有主有副為于偽翻
為慶之謀而言蜀本為作謂將軍威行河洛聲震中

原功高執重為魏所疑一旦變生不測可無慮乎不若

乘其無備殺顥據洛此千載一時也慶之不從馬佛念有戰國

策士之氣然必有非常之才然後可以行顥先以慶之
非常之事陳慶之為足以辨此載子亥翻

為徐州刺史因固求之鎮顥心憚之不遣曰主上以洛

陽之地全相任委忽聞捨此朝寄朝寄謂魏朝所寄託也朝直遥翻欲

往彭城謂君遽取富貴不為國計此國計謂為梁國計非徒有損

於君恐僕并受其責慶之不敢復言爾朱榮與顥相持

於河上慶之守北中城顥自據南岸

河橋南岸也

慶之三日

十一戰殺傷甚衆有夏州義士為顥守河中渚

夏戶雅翻水經

注曰河中渚上有河平侯祠河之南岸有一碑題曰洛陽北界意此中渚即唐時河陽之中潭城也為于偽翻

陰與榮通謀求破橋立効榮引兵赴之及橋破榮應接

不逮顥悉屠之榮帳然失望又以安豐王延明緣河固

守而北軍無船可渡議欲還北更圖後舉黃門郎楊侃

曰大王發并州之日已知夏州義士之謀指來應之乎

為欲廣施經略匡復帝室乎夫用兵者何嘗不散而更

合瘡愈更戰況今未有所損豈可以一事不諧而衆謀

頓廢乎今四方顯顯

顯顯仰望也
顯顯魚容翻

視公此舉若未有所

成遽復引歸民情失望各懷去就勝負所在未可知也

不若徵發民材多為桴筏

編竹木以渡水大者曰桴小者曰筏桴方無翻筏音伐

閒以舟楫

閒古覓翻
下閒行同

緣河布列數百里中皆為渡勢首

尾既遠使顯不知所防一旦得渡必立大功高道穆曰

今乘輿飄蕩主憂臣辱

乘繩證翻

大王擁百萬之衆輔天子

而令諸侯若分兵造筏所在散渡指掌可克奈何捨之

北歸使顥復得完聚徵兵天下此所謂養虺成蛇悔無

及矣

逸書曰為虺不摧為蛇奈何以文義觀之蓋以虺為小蛇

榮曰楊黃門已陳此

策當相與議之劉靈助言於榮曰不出十日河南必平

伏波將軍正平楊擲

魏以聞喜曲沃二縣置正平郡隋廢郡為正平縣今絳州治所擲與

標

同與其族居馬渚自言有小船數艘求為鄉導

艘蘇遭翻鄉讀

嚮曰戊辰榮命車騎將軍爾朱兆與大都督賀拔勝縛材

為筏自馬渚西硤石夜渡

五代志河南熊耳縣有後魏嶠縣又有硤石山唐志陝州

硤石縣本嶠縣有硤石塢

襲擊顥子領軍將軍冠受擒之安豐王延

明之衆聞之大潰顥失據帥麾下數百騎南走

帥讀曰率騎奇

寄翻下同

慶之收步騎數千結陳東還

陳讀曰陣

顥所得諸城一

時復降於魏爾朱榮自追陳慶之會嵩高水漲

穎水出少室山

五渡水出太室山入于穎水嵩高水漲指此水也

慶之軍士死散略盡乃削須

髮為沙門閒行出汝陰還建康

慶之所以得免者亦由嵩高水漲追兵不急於

軍士死散之時得以挺身逸去否則必為爾朱榮所擒矣

猶以功除右衛將軍封永

興縣侯

句斷五代志會稽郡會稽縣舊有永興縣

中軍大都督兼領軍大將

軍楊津入宿殿中掃洒宮庭

掃素報翻洒所賣翻又並上聲

封閉府庫

出迎魏主於北邙流涕謝罪帝慰勞之

勞力到翻

庚午帝入

居華林園大赦以爾朱兆為車騎大將軍儀同三司

硃賞

石之功也

北來軍士及隨駕文武諸立義者加五級河北報

事之官及河南立義者加二級

報事謂報敵情曲折者

壬申加大

丞相榮天柱大將軍增封通前二十萬戶

天柱前無此號魏主以爾

朱榮功高特置以寵之榮先以平葛榮之功

增封至十萬戶今又增為二十萬戶以賞之北海王顥

自轅轅南出至臨潁

臨潁縣自漢以來屬潁川郡轅音環

從騎分散

從才用翻

騎奇

寄翻臨潁縣卒江豐斬之癸酉傳首洛陽臨淮王彧復

自歸于魏主安豐王延明攜妻子來奔陳慶之入洛

也蕭贊送啓求還

贊即豫章王綜也奔魏事見一百五十卷普通六年

時吳淑媛

尚在

媛于春翻

上使以贊幼時衣寄之信未達而慶之敗慶

之自魏還特重北人朱异怪而問之

异羊至翻

慶之曰吾始

以為大江以北皆戎狄之鄉比至洛陽

比必利翻及也

乃知衣

冠人物盡在中原非江東所及也奈何輕之

陳慶之特有見於洛

陽華靡之俗而為是言耳

甲戌魏以上黨王天穆為太宰城陽王

徽為大司馬兼太尉乙亥魏主宴勞爾朱榮上黨王天

穆及北來督將於都亭

勞力到翻
將即亮翻

出宮人三百繒錦雜

綵數萬匹班賜有差

繒慈陵翻

凡受元顯爵賞階復者悉追

奪之

復方目翻復
除賦役也

秋七月辛巳魏主始入宮以高道穆

為御史中尉帝姊壽陽公主行犯清路赤棒卒呵之不

止

中尉前驅之卒執赤棒即清
路者也棒部項翻呵虎何翻

道穆令卒擊破其軍公

主泣訴於帝帝曰高中尉清直之士彼所行者公事豈

可以私責之也道穆見帝

見賢
遍翻

帝曰家姊行路相犯極

以為愧道穆免冠謝帝曰朕以愧卿卿何謝也於是魏

多細錢米斗幾直一千

幾巨依翻又居希翻

高道穆上表以為在

市銅價八十一錢得銅一斤私造薄錢斤贏二百

言銅一斤

造薄錢二百而贏也

既示之以深利又隨之以重刑抵罪雖多姦

鑄彌衆今錢徒有五銖之名而無二銖之實置之水上

殆欲不沈

沈持林翻

此乃因循有漸科防不切朝廷失之彼

復何罪

復扶又翻下况復同

宜改鑄大錢文載年號以記其始則

一斤所成止七十錢計私鑄所費不能自潤直置無利

自應息心况復嚴刑廣設也

言置私鑄直使無利自應息心而不為况又廣設科

禁有嚴刑之可畏邪金紫光祿大夫楊侃亦奏乞聽民與官並鑄

五銖錢使民樂為而弊自改

樂音洛

魏主從之始鑄永安

五銖錢 辛卯魏以車騎將軍楊津為司空 初魏以

梁益二州境土荒遠更立巴州以統諸獠凡二十餘萬

戶

獠曾皓翻

以巴酋嚴始欣為刺史又立隆城鎮

宋白曰取其連岡地

執高隆為名後為隆州

以始欣族子愷為鎮將

將即亮翻

始欣貪暴孝

昌初諸獠反圍州城行臺魏子建撫諭之乃散始欣恐

獲罪陰來請降帝遣使以詔書鐵券衣冠等賜之

降戶江翻

使疏
吏翻

為愷所獲以送子建子建奏以隆城鎮為南梁州

五代志巴西郡舊置南梁州西魏興畧曰此州舊有隆城故又謂之南隆治古閬中城今之閬中即其地用

愷為刺史因始欣於南鄭魏以唐永為東益州刺史代

子建以梁州刺史傳豎眼為行臺

豎而庾翻

子建去東益而

氏蜀尋反

氏蜀氏人與蜀人也

唐永弃城走東益州遂沒

魏置東益州於

武興時為氏蜀所攻沒梁不能有也

傳豎眼之初至梁州也州人相賀

事見

一百四十有八既而久病不能親政事其子敬紹奢淫

貪暴州人患之嚴始欣重賂敬紹得還巴州遂舉兵擊

嚴愷滅之以巴州來降

降戶江翻

帝遣將軍蕭玩等援之傳

敬紹見魏室方亂陰有保據南鄭之志使其妻兄唐崑

崙於外扇誘山民相與圍城欲為內應

崙盧崑翻誘音酉

圍合

而謀洩城中將士共執敬紹以白豎眼而殺之豎眼耻

恚而卒

恚於避翻卒子恤翻

八月己未魏以太傅李延寔為司徒

甲戌侍中太保楊椿致仕九月癸巳上幸同泰寺設

無遮大會上釋御服持法衣行清淨大捨以便省為房

便省在同泰寺上臨幸時居之故曰便省

素牀瓦器乘小車私人執役甲子

升講堂法座為四部大衆開涅槃經題

四部大衆僧尼及善男子善女

人也 奴結翻

癸卯羣臣以錢一億萬祈白三寶

釋書以佛陀耶衆為佛寶

達摩耶衆為法寶 僧迦耶衆為僧寶

奉贖皇帝菩薩

釋典曰菩薩言能普濟衆也

生菩薄胡翻 薩桑葛翻

僧衆默許乙巳百辟詣寺東門奉表請還

臨宸極

唐韻曰宸屋宇也天子所居毛晃曰帝居北辰之宮故從心從辰

三請乃許上

三答書前後並稱頓首

魏爾朱榮使大都督尖山侯

淵

按五代志後魏置神武郡於桑乾水上領尖山殊顏二縣

討韓樓於薊配卒甚少

騎止七百

薊音計少詩詔翻騎奇寄翻

或以為言榮曰侯淵臨機設

變是其所長若搃大衆未必能用今以此衆擊此賊必能取之淵遂廣張軍聲多設供具親帥數百騎深入樓

境去薊百餘里值賊帥陳周馬步萬餘

親帥讀曰率賊帥所類

淵

潛伏以乘其背大破之虜其卒五千餘人尋還其馬伏

縱令入城左右諫曰既獲賊衆何為復資遣之

馬仗馬及兵仗

也復扶又翻

淵曰我兵既少不可力戰須為奇計以離間之

乃可克也淵度其已至

間古覓翻度徒洛翻

遂帥騎夜進昧旦叩

其城門韓樓果疑降卒為淵內應遂走追禽之幽州平

以淵為平州刺史鎮范陽

魏平州本治肥如今徙鎮幽州之范陽

先是魏

使征東將軍劉靈助無尚書左僕射慰勞幽州流民於

濮陽頓丘

先悉薦翻勞力到翻

因帥流民北還與侯淵共滅韓樓

仍以靈助行幽州事加車騎將軍又為幽平營安四州

行臺

為劉靈助以營州叛爾朱張本

万俟醜奴攻魏東秦州拔之殺

刺史高子朗

五代志上郡後魏置東秦州後改為北秦州西魏改為敷州隋大業二年改為敷城

郡後改為上郡唐為鄜州洛交縣万莫北翻侯渠之翻

冬十月己酉上又設四

部無遞大會道俗五萬餘人會畢上御金輅還宮御太

極殿大赦改元

改中大通元年

魏以前司空蕭贊為司徒

十一月己卯就德興請降於魏營州平

就德興反見一百五十卷普通

二年降戶江翻下同

丙午魏以城陽王徽為太保丹楊王蕭贊

為太尉雍州刺史長孫稚為司徒

稚於周翻

十二月辛亥

兖州刺史張景邕荊州刺史李靈起雄信將軍蕭進明

叛降魏

三人者皆梁魏境上民豪以刺史將軍寵授之耳

以陳慶之為北兖州

刺史

此北兖州當治淮陰


有妖賊僧彊自稱天子土豪蔡伯龍起

兵應之衆至三萬攻陷北徐州

此北徐州治鍾離妖於驕翻

慶之討

斬之 魏以岐州刺史王羆行南秦州事羆誘捕州境
羣盜悉誅之 誘音酉



資治通鑑卷一百五十三

欽定四庫全書

史部

資治通鑑卷一百五十四

詳校官修撰_臣錢棨

洗馬_臣王坦修覆勘

總校官知縣_臣楊懋珩

校對官中書_臣葉蘭

謄錄監生_臣周鈞

欽定四庫全書

資治通鑑卷一百五十四 宋

司馬光 撰

胡三省 音註

梁紀十 上並闕

高祖武皇帝十

中大通二年春正月己丑魏益州刺史長孫壽梁州刺

史元儁等遣將擊嚴始欣斬之蕭玩等亦敗死 玩援始

卷上年長知兩
翻將即亮翻

失亡萬餘人 辛亥魏東徐州城民呂

文欣等殺刺史元大賓據城反

魏孝昌元年置東徐州於下邳

魏遣都

官尚書平城樊子鵠討之二月甲寅斬文欣

万俟醜

奴侵擾關中

万莫北翻侯渠之翻

魏爾朱榮遣武衛將軍賀拔岳

討之岳私謂其兄勝曰醜奴勍敵也

勍其京翻

今攻之不勝

固有罪勝之讒嫉將生勝曰然則奈何岳曰願得爾朱

氏一人為帥而佐之

即所類翻

勝為之言於榮

為于偽翻

榮悅以

爾朱天光為使持節都督二雍二岐諸軍事驃騎大將

軍雍州刺史

後魏雍州治長安北雍州治華原縣東雍州治鄭縣岐州治扶風雍縣南岐州治河

池故道縣使疏更翻雍於以岳為左大都督又以征西

將軍代郡侯莫陳悅為右大都督侯莫陳其先魏之別部也居庫斛真水世

為渠帥遂以為氏其後並為天光之副以討之天光初

行唯配軍士千人發洛陽以西路次民馬以給之時赤

水蜀賊斷路水經注赤水在鄭縣北即山海經之滯水也北注於渭蜀賊本蜀人之邊關中者乘

亂相聚為賊詔侍中楊侃先行慰諭并稅其馬華陰諸

斷丁管翻賊持疑不下軍至潼關天光不

敢進岳曰蜀賊鼠竊公尚遲疑若遇大敵將何以戰天

光曰今日之事一以相委岳遂進擊蜀於渭北破之獲

馬二千匹簡其壯健以充軍士又稅民馬合萬餘匹以

軍士尚少

少詩沒翻

淹留未進榮怒遣騎兵參軍劉貴乘驛

至軍中責天光杖之一百以軍士二千人益之三月醜

奴自將其衆圍岐州遣其大行臺尉遲菩薩

李延壽曰其先魏之

別號尉遲部因以為氏尉遲菩薩桑葛翻

僕射万俟倕自武功南渡渭

攻圍趣柵

倕疑古翻作万俟行醜

今從周書考異曰北史

天光使賀拔岳將

千騎救之菩薩等已拔柵而還

還從宣翻又如字

岳故殺掠其

吏民以挑之菩薩率步騎二萬至渭北

挑徒了翻
帥讀曰率

岳以

輕騎數十自渭南與菩薩隔水而語稱揚國威菩薩令

省事傳語

省事蓋猶今之通事兩敵相向
使之往來通傳言語省悉并翻

岳怒曰我與菩

薩語卿何人也射殺之

射而亦翻

明日復引百餘騎隔水與賊

語

復扶又翻

稍引而東至水淺可涉之處岳即馳馬東出賊以為

走乃棄步兵輕騎南渡渭追岳岳依橫岡設伏兵以待之

賊半度岡東岳還兵擊之賊兵敗走

岳既還兵擊賊伏兵又發故敗走

岳

下令賊下馬者勿殺賊悉投馬俄獲三千人馬亦無遺遂

擒菩薩仍度渭北降步卒萬餘竝收其輜重

降戶江翻重直用翻

醜

奴聞之棄岐州北走安定

走音秦

置柵於平亭天光方自雍

至岐與岳合

平亭在涇州北自雍至岐自雍州至岐州也

夏四月天光至汧渭

之間

汧水出汧縣西北而入於渭汧口堅翻

停軍牧馬宣言天時將熟未可

行師俟秋涼更圖進止獲醜奴覘候者縱遣之

覘醜廉翻又丑艷翻

醜奴信之散衆耕於細川

據令狐德棻後周書百里細川在岐州北又據元豐九域志涇

州靈臺縣有百里鎮蓋即細川之地細川平亭當亦相近

使其太尉侯伏侯元進將

兵五千據險立柵

侯伏侯虜三字姓將即亮翻

其餘千人以下為柵

者甚衆天光知其勢分晡時密嚴諸軍相繼俱發黎明

圍元進大柵拔之所得俘囚一皆縱遣諸柵聞之皆降

唐末高仁厚平阡能等亦用此術降戶江翻下同

天光晝夜徑進抵安定城下

賊涇州刺史侯幾長貴以城降

侯幾虜複姓魏書官氏志內入諸姓有侯幾氏

侯侯字相近

醜奴棄平亭走欲趣高平

九域志鎮戎軍古高平地也趣七喻翻

天光遣賀拔岳輕騎追之丁卯及於平涼賊未成列直

閣代郡侯莫陳崇單騎入賊中於馬上生擒醜奴因大

呼衆皆披靡

呼火故翻披普彼翻

無敢當者後騎益集賊衆崩潰

遂大破之天光進逼高平城中執送蕭寶寅以降

萬俟

胡琛之將也普通六年破魏將崔延伯其衆始盛蕭寶寅大通元年叛魏至二年敗奔醜奴及是皆平

壬申以吐谷渾王佛輔為西秦河二州刺史

吐從瞰入聲谷音浴

甲戌魏以關中平大赦萬俟醜奴蕭寶寅至洛陽置

闔闔門外都街之中士女聚觀凡三日丹陽王蕭贊表

請寶寅之命

贊以寶寅為叔父故請其命

吏部尚書李神儁黃門侍

郎高道穆素與寶寅善欲左右之

左右讀曰佐佑

言於魏主曰

寶寅叛逆事在前朝

朝音直遙翻

會應詔王道習自外至

應詔

猶漢之待詔也

帝問道習在外所聞對曰惟聞李尚書高黃門

與蕭寶寅周欵

周至也密也欵愛也

竝居得言之地必能全之且

二人謂寶寅叛逆在前朝寶寅為醜奴太傅豈非陛下

時邪賊臣不翦法欲安施帝乃賜寶寅死於駝牛署

音邪

耶後魏官有駝牛都尉署者其寺舍也五代志太僕寺之屬有駝牛署掌飼駝驢驘牛有令丞斬醜奴

於都市

六月丁巳帝復以魏汝南王悅為魏王

復扶又翻

考異曰梁帝紀中大通元年正月甲子魏汝南王悅求還本國許之二年六月丁巳遣悅還北為魏主按魏

書悅傳悅未嘗歸魏後

戊寅魏詔胡氏親屬受爵於

朝者皆黜為民

謂靈后親屬也朝直遙翻

庚申以魏降將范遵為

安北將軍司州牧從魏王悅北還

范遵魏北海王顥之舅蓋與顥同來奔降

戶江翻將即亮翻

萬俟醜奴既敗自涇幽以西至靈州

後魏滅赫連以

赫連果城置薄骨律鎮至孝昌中改鎮為靈州杜佑曰薄骨律鎮今靈武郡富平今迴樂縣唐靈州治迴樂括

地志云薄骨律鎮城在河渚之中隨水上下未嘗陷沒故號靈州也賊黨皆降於魏唯所

署行臺萬俟道洛帥衆六千逃入山中不降

降戶江翻帥讀白率

下同時高平大旱爾朱天光以馬乏草退屯城東五十里

遣都督長孫邪利帥二百人行原州事以鎮之

魏太延二年置

高平鎮正光五年改曰原州道洛潛與城民通謀掩襲

邪利并其所部皆殺之天光帥諸軍赴之道洛出戰而

敗帥其衆西入牽屯山

班志開頭山在安定郡涇陽縣西涇水所出師古注曰開音牽

此山在今靈州東南俗語訛謂之開屯山杜佑曰牽屯山在今原州高平縣

據險自守爾朱

榮以天光失邪利不獲道洛復遣使杖之一百

復扶又翻使疏

吏翻以詔書黜天光為撫軍將軍雍州刺史降爵為侯天

光追擊道洛於牽屯道洛敗走入隴

隴隴山也

歸略陽賊帥

王慶雲

晉武帝分天水置略陽郡隋廢為隴城縣屬秦州考異曰魏帝紀作白馬龍涸胡王慶雲今

從爾朱天光傳
帥音所類翻

道洛驍果絕倫驍堯翻堅

慶雲得之甚喜謂

大事可濟遂稱帝於水洛城

水經注水洛水導源隴山
西逕水洛亭西南注略陽

川九域志水洛城在德順軍西南一百里
范仲淹曰朝那之西秦亭之東有水洛城

置百官以道

洛為大將軍秋七月天光帥諸軍入隴至水洛城慶雲

道洛出戰天光射道洛中臂

射而亦翻
中竹仲翻

失弓還走拔其

東城賊併兵趣西城

趣七
喻翻

城中無水衆渴乏有降者言

慶雲道洛欲突走天光恐失之乃遣人招諭慶雲使早

降

降戶
江翻

曰若未能自決當聽諸人今夜共議明晨早報

慶雲等冀得少緩因待夜突出

少詩沒翻

乃報曰請俟明日

天光因使謂曰知須水

須者意所欲也

今相為小退

為於偽翻

任取

澗水飲之賊衆悅無復走心天光密使軍士多作木槍

各長七尺

此即拒馬槍也杜佑曰拒馬槍以木徑二尺長短隨事十字鑿孔縱橫安檢長丈銳其端

以塞要路

昏後繞城布列要路加厚又伏人槍中備其衝突

兼令密縛長梯於城北其夜慶雲道洛果馳馬突出遇

槍馬各傷倒伏兵起即時擒之軍士緣梯入城餘衆皆

出城南遇槍而止窮窘乞降

降戶江翻

丙子天光悉收其伏

而阮之死者萬七千人分其家口於是三秦河渭氐涼

鄯州皆降

三秦秦東秦南秦也河州乞伏之地也魏太武真君六年置枹罕鎮後改為河州領金城

武始洪和臨洮郡渭州領隴西南安南安陽廣寧郡氐州即古敦煌之地鄯州禿髮氏之地漢金城西部都尉所統也師古曰氐州即左傳所云允姓之戎居于氐州者也其地今猶出大氐長者狐入氐中食之首尾不出

天光頓軍略陽詔復天光官爵尋加侍中儀同三司以

賀拔岳為涇州刺史侯莫陳悅為渭州刺史秦州城民

謀殺刺史駱超南秦州城民謀殺刺史辛顯超顯皆覺

之走歸天光天光遣兵討平之步兵校尉宇文泰從賀

拔岳入關以功遷征西將軍行原州事時關隴彫弊秦

撫以恩信民皆感悅曰早遇宇文使君吾輩豈從亂乎

為宇文泰得賀拔岳之衆以創大業於關西張本

八月庚戌上餞魏王悅於

德陽堂遣兵送至境上

考異曰悅傳云立為魏主號年更興衍遣其將軍王僧辯送

至境上以冀侵逼按僧辯傳未嘗送悅蓋王弁耳

魏爾朱榮雖居外藩遙制

朝政

逯朝直

樹置親黨布列魏主左右伺察動靜大小必

知

伺相

魏主雖受制於榮然性勤政事朝夕不倦數親

覽辭訟理冤獄

數所

榮聞之不悅

史言魏主不能養晦

帝又與吏

部尚書李神儁議清治選部

治直之勸選須絹翻下同

榮嘗闕補曲

陽縣令

據榮傳即上曲陽縣也漢晉屬常山郡後魏屬中山郡闕補者先補授而後闕吏部五代志趙

州鼓城縣舊曰曲陽劉昫曰漢上曲陽縣隋改曰恒神陽唐元和十五年復曰曲陽趙州之曲陽下曲陽也神

儁以階懸不奏

言階級相去懸絕其人不應補為縣令

別更擬人榮大怒

即遣所補者往奪其任神儁懼而辭位榮使尚書左僕

射爾朱世隆攝選榮啓北人為河南諸州帝未之許太

宰天穆入見面諭

見賢通翻

帝猶不許天穆曰天柱既有大

功為國宰相若請普代天下官恐陛下亦不得違之如

何啓數人為州遽不用也帝正色曰天柱若不為人臣

朕亦須代如其猶存臣節無代天下百官之理榮聞之

大恚恨曰天子由誰得立今乃不用我語爾朱皇后性

妬忌屢致忿恚帝遣爾朱世隆語以大理

恚於避翻語
牛侶翻大理

謂事理之大致也后曰天子由我家置立今便如此我父本即

自作今亦復決

決判也謂天下事有
判決也復扶又翻

世隆曰止自不為

止當作正若本自為之臣今亦封王矣帝既外逼於榮內逼

皇后恒怏怏不以萬乘為樂

恒音常怏於兩翻乘
繩正翻樂音洛下同

惟幸寇

盜未息欲使與榮相持及關隴既定告捷之日乃不甚

喜謂尚書令臨淮王彧曰即今天下便是無賊彧見帝

色不悅曰臣恐賊平之後方勞聖慮帝畏餘人怪之還

以他語亂之曰然撫寧荒餘

荒餘謂兵荒之餘民也

彌成不易

易

鼓翻

榮見四方無事奏稱參軍許周勸臣取九錫臣惡其

言已斥遣令去榮時望得殊禮故以意諷朝廷帝實不

欲與之因稱歎其忠榮好獵

惡鳥路翻
好呼報翻

不捨寒暑列圍

而進令士卒必齋壹雖遇險阻不得違避一鹿逸出必

數人坐死有一卒見虎而走榮謂曰汝畏死邪即斬之

自是每獵士卒如登戰場嘗見虎在窮谷中榮令十餘

人空手搏之母得損傷死者數人卒擒得之

魏道武帝因搏熊而

謝于栗磾爾朱榮反是嗜殺人者烏能定天下邪

音子恤翻以此為樂其下甚苦之

大宰天穆從容謂榮曰

樂音洛從于容翻

大王勲業已盛四方

無事唯宜脩政養民順時蒐狩

禮春蒐夏苗秋獮冬狩杜預曰蒐索擇取不孕

者苗為苗除害也獮殺也以殺為名順秋氣也狩圍守也冬物畢成獲則取之無所擇也

何必盛夏

驅逐感傷和氣榮攘袂曰靈后女主不能自正推奉天

子乃人臣常節葛榮之徒本皆奴才乘時作亂譬如奴

走擒獲即已頃來受國大恩未能混壹海內何得遽言

勲業如聞朝士猶自寬縱今秋欲與兄戒勒士馬校獵

嵩高令貪汙朝貴入圍搏虎朝直仍出魯陽歷三荆悉

擁生蠻北填六鎮杜佑曰北荆州今即伊陽縣東荆州後改曰淮州今淮安郡荆州今南陽

郡余按豫言出魯陽則已越伊陽而南矣五代志卷陵郡後魏置南荆州當以此足三荆之數生蠻謂諸蠻戶

之未附於魏者六鎮叛回軍之際掃平汾胡稽胡皆居汾州界謂

胡明年簡練精騎分出江淮蕭衍若降乞萬戶侯奇騎

計翻降戶江翻
乞丘計翻與也

如其不降以數千騎徑度縛取然後與

兄奉天子巡四方乃可稱勳耳今不頻獵兵士懈怠安

可復用也

懈七臨翻
優扶又翻

城陽王徽之妃帝之舅女侍中李

或延寔之子帝之姊婿也徽或欲得權寵惡榮為已害

日毀榮於帝勸帝除之帝憊河陰之難

河陰之難事見
一百五十二卷

惡烏路翻
難乃旦翻

恐榮終難保由是密有圖榮之意侍中楊侃

尚書右僕射元羅亦預其謀

元羅義弟也

會榮請入朝欲視

皇后晚乳

晚與免同又音晚師古曰免乳為產子
也乳人喻翻唐韻曰子母相解曰免

徽等

勸帝因其入刺殺之

刺七亦翻

唯膠東侯李侃晞濟陰王暉

業言榮若來必當有備恐不可圖

濟子禮翻

又欲殺其黨與

發兵拒之帝疑未定而洛陽人懷憂懼中書侍郎邢子

才之徒已避之東出

邢邵字子才避魏主兄彭城王邵諱故以字行本傳云少時有避遂

不行名榮乃遍與朝士書相任去留中書舍人溫子昇以

書呈帝帝恒望其不來

恒戶登翻

及見書以榮必來色甚不

悅子才名邵以字行戀之族弟也

邢戀事魏宣武帝屢經將領有功考異

曰北史邢戀卷首排目云族孫臧劬而卷中乃云戀叔祖祐祐從祖蚪蚪子臧劬魏書亦云戀從祖祐然則臧

幼乃鬻族弟
非族孫也

時人多以字行者舊史皆因之武衛將軍

奚毅建義初往来通命

事見二百五十
二卷大通二年

帝每期之甚重

然猶以榮所親信不敢與之言情毅曰若必有變臣寧

死陛下不能事契胡

爾朱氏契胡種
也契欺訖翻

帝曰朕保天柱無

異心亦不忘卿忠款

款誠也

爾朱世隆疑帝欲為變乃為

匿名書自牒其門云天子與楊侃高道穆等為計欲殺

天柱取以呈榮榮自恃其彊不以為意手毀其書唾地

曰世隆無膽誰敢生心榮妻北鄉長公主亦勸榮不行

榮妻非元氏也以榮功封北鄉長公主考異作鄉郡長公主注曰北史世隆傳作北鄉郡公主今從魏帝紀

按考異作鄉郡長公主是也通鑑作北鄉長公主傳寫之誤耳五代志上黨郡鄉縣石勒置武鄉郡後魏去

武字為鄉郡證以魏收志無北鄉郡則從鄉郡為是唾吐臥翻長知兩翻榮不從是月榮將

四五千騎發并州將即亮翻時人皆言榮反又云天子

必當圖榮九月榮至洛陽考異曰魏帝紀曰辛卯榮

月初榮至京十五日天穆至是帝即欲殺之以太宰天

穆在并州恐為後患故忍未發并召天穆有人告榮云

帝欲圖之榮即具奏帝曰外人亦言王欲害我豈可信

之於是榮不自疑每入謁帝從人不過數十

從才用翻

又皆

挺身不持兵仗

挺身項翻直也

帝欲止城陽王徽曰縱不反亦

何可耐

耐忍也

况不可保邪先是長星出中台掃大角恒

州人高榮祖頗知天文榮問之對曰除舊布新之象也

三台中台上星為諸侯三公大角者天王座也傳曰基所以除舊布新先悉薦翻恒戶登翻

榮甚悅

榮至洛陽行臺郎中李顯和曰天柱至那無九錫安須

王自索也

李顯和蓋為并肆九州行臺郎中時從榮至洛陽索山客翻

亦是天子不

見機都督郭羅察曰今年真可作禪文

河陰之難榮已募朝士作禪文

故羅察云然郭羅察即郭羅刹

何但九錫參軍褚光曰人言并州城上

有紫氣何慮天柱不應之榮下人皆陵侮帝左右無所

忌憚故其事皆上聞

皆上時掌翻

奚毅又見帝求間

求間即請間也

帝即下明光殿與語知其至誠乃召城陽王徽及楊侃

李彧告以毅語榮小女適帝兄子陳留王寬榮嘗指之

曰我終得此壻力微以白帝曰榮慮陛下終為已患脫

有東宮必貪立孩幼

孩何開翻

若皇后不生太子則立陳留

耳帝夢手持刀自割落十指惡之

惡烏路翻

告徽及楊侃微

曰螻蛇螫手壯士解腕

螫音釋腕鳥貫翻

割指亦是其類乃吉

祥也戊子天穆至洛陽帝出迎之榮與天穆並從入西

林園宴射榮奏曰近來侍官皆不習武陛下宜將五百

騎出獵因省辭訟

將即亮翻騎奇計翻省悉井翻

先是奚毅言榮欲因獵挾

天子移都

先悉薦翻

由是帝益疑之辛卯帝召中書舍人溫子昇

告以殺榮狀并問以殺董卓事子昇具道本末帝曰王允若

即赦涼州人必不應至此

董卓王允事見六十年漢獻帝初平三年

良久語子昇

曰

語牛倨翻

朕之情理卿所具知死猶須為况不必死吾寧為高

貴鄉公死不為常道鄉公生

謂曹魏高貴鄉公欲誅司馬昭不克而死常道鄉公禪位于晉

而生也

帝謂殺榮天穆即赦其黨皆應不動應詔王道習曰爾

朱世隆司馬子如朱元龍特為榮所委任具知天下虛實謂

不宜留徽及楊侃皆曰若世隆不全仲遠天光豈有來理

爾

仲遠時鎮徐州天光時鎮關隴

帝亦以為然徽曰榮腰間常有刀或能狼戾

傷人

狼戾當作狼戾猶言狼籍也非此義

臨事願陛下起避之乃伏

侃等十餘人於明光殿東其日榮與天穆並入坐食未

訖起出侃等從東階上殿

上時掌翻

見榮天穆已至中庭事

不果壬辰帝忌日癸巳榮忌日

親喪之日為忌日
禮曰忌日不樂

甲午

榮暫入即詣陳留王家飲酒極醉遂言病動頻日不入

帝謀頗泄世隆又以告榮且勸其速發榮輕帝以為無

能為曰何忽忽預帝謀者皆懼帝患之城陽王徽曰以

生太子為辭榮必入朝因此斃之帝曰后懷孕始九月

可乎

朝直遙翻
孕以正翻

徽曰婦人不及期而產者多矣彼必不

疑帝從之戊戌帝伏兵於明光殿東序聲言皇子生遣

徽馳騎至榮第告之

騎奇計翻

榮方與上黨王天穆博徽脫

榮帽懼舞盤旋

唐李太白詩云脫君帽為君笑脫帽懼舞蓋夷禮也

兼殿內文武

傳聲趣之

趣讀曰促

榮遂信之與天穆俱入朝帝聞榮來不

覺失色中書舍人溫子昇曰陛下色變帝連索酒飲之

酒能變貌又能張膽故連索飲之索山客翻

帝令子昇作赦文既成執以出

遇榮自外入問是何文書子昇顏色不變曰勅榮不取

視而入帝在東序下西向坐榮天穆在御榻西北南向

坐徽入始一拜榮見光祿少卿魯安典御李侃晞等抽

刀從東戶入

漢九卿惟正卿一人典御常食典御也少詩始各置少卿一人典御常食典御也少詩

詔即起趨御座

趨七喻翻

帝先橫刀膝下遂手刃之安等亂

砍榮與天穆同時俱死榮子菩提及車騎將軍爾朱陽

覲等三十人從榮入宮亦為伏兵所殺

菩薄手翻

帝得榮手

板上有數牒啓皆左右去留人名非其腹心者悉在出

限

出不使在帝左右

帝曰豎子若過今日遂不可制於是內外

喜譟聲滿洛陽城百僚入賀帝登闔闔門下詔大赦遣

武衛將軍奚毅前燕州刺史崔淵將兵鎮北中

燕因肩翻將即

亮翻是夜爾朱世隆奉北鄉長公主帥榮部曲焚西陽門

出屯河陰

西陽門即洛陽城西明門

衛將軍賀拔勝與榮黨田怡等

聞榮死奔赴榮第時宮殿門猶未加嚴防怡等議即攻

門勝止之曰天子既行大事必當有備吾輩衆少何可

輕爾

少時治翻

但得出城更為他計怡乃止及世隆等走勝

遂不從

考異曰周書及北史云勝復從世隆至河橋勝以為臣無讎君之義遂勒所部還都莊帝大悅

今從魏書

帝甚嘉之朱瑞雖為榮所委而善處朝廷之間

朱瑞

本榮之行臺郎中榮定魏主于洛陽以瑞為黃門侍郎兼中書舍人處昌呂翻

帝亦善遇之故

瑞從世隆走而中道逃還榮素厚金紫光祿大夫司馬

子如榮死子如自宮中突出至榮第棄家隨榮妻子走

出城世隆即欲還北子如曰兵不厭詐今天下恟恟唯

彊是視

恟許
勇翻

當此之際不可以弱示人若亟北走恐變

生肘腋

腋音
亦

不如分兵守河橋還軍向京師出其不意

或可成功假使不得所欲亦足示有餘力使天下畏我

之彊不敢叛散世隆從之己亥攻河橋擒奚毅等殺之

據北中城魏朝大懼遣前華陽太守段育慰諭之

魏分
漢中

之沔陽西縣置華陽郡以其地在
華山之南也朝直遙翻華戶化翻

世隆斬首以徇魏以

雍州刺史爾朱天光為侍中儀同三司

雍於用翻

以司空楊

津為都督并肆等九州諸軍事驃騎大將軍并州刺史

兼尚書令北道行臺經略河汾

驃匹妙翻騎奇計翻

榮之入洛也

以高敖曹自隨禁於駝牛署

爾朱榮誘拘高敖曹事見一百五十二卷大通二年

榮死帝引見勞勉之

見賢通翻勞力到翻

兄乾自東冀州馳赴洛

陽

魏孝昌末葛榮作亂高翼聚眾河濟間魏因置東冀州以翼為刺史蓋因劉宋先置冀州於河濟間而置

東冀州以別河北之冀州也翼乾之族也按後以翼為乾之父

帝以乾為河北大使

使疏

更翻敖曹為直閣將軍使歸招集鄉曲為表裏形援帝親

送之於河橋

教曹兄弟歸鄉里路當東出河橋在洛城北帝不應送之於此河橋二字意必有誤

舉酒指水曰卿兄弟冀部豪傑能令士卒致死京城儻

有變可為朕河上一揚塵乾垂涕受詔教曹援劍起舞

誓以必死

為于偽翻下亦為吾為為陛下同援于元翻

冬十月癸卯朔世隆

遣爾朱拂律歸

考異曰魏書無拂律歸名伽藍記有之按爾朱度律時在世隆所或者拂律歸

即度律也將胡騎一千皆白服來至郭下索太原王尸

榮迎立敬

宗封太原王將即亮翻

帝升大夏門望之

洛陽城北有大夏廣莫二

門夏戶雅翻

遣主書牛法尚謂之曰太原王立功不終陰圖

疊逆

疊許
覲翻

王法無親

言法在必行
雖親無赦也

已正刑書罪止榮身

餘皆不問卿等若降官爵如故拂律歸曰臣等隨太原

王入朝忽致冤酷今不忍空歸願得太原王尸生死無

恨因涕泣哀不自勝

勝音
升

羣胡皆慟哭聲振城邑帝亦

為之愴然遣侍中朱瑞齎鐵券賜世隆世隆謂瑞曰太

原王功格天地赤心奉國長樂不顧信誓枉加屠害

魏敬

宗本封長樂
王樂音洛

今日兩行鐵字何足可信

行戶
剛翻

吾為太原

王報讎終無降理瑞還白帝帝即出庫物置城西門外

募敢死之士以討世隆一日即得萬人與拂律歸等戰

於郭外拂律歸等生長戎旅

長知兩翻

洛陽之人不習戰鬪

屢戰不克甲辰以前車騎大將軍李叔仁為大都督帥

衆討世隆

帥讀曰率

戊申皇子生大赦以中書令魏蘭根兼

尚書左僕射為河北行臺定相殷三州皆稟蘭根節度

相悉亮翻

爾朱氏兵猶在城下帝集朝臣博議皆懼不知

所出通直散騎常侍李苗奮衣起曰

朝直遙翻恒去王翻散悉宜翻騎奇

寄翻下同

今小賊唐突如此朝廷有不測之危正是忠臣烈

士效節之日臣雖不武請以一旅之衆為陛下徑斷河

橋

杜預曰五百人為一旅斷丁管翻

城陽王徽高道穆皆以為善帝許

之乙卯苗募人從馬渚上流乘船夜下去橋數里縱火

船焚河橋倏忽而至爾朱氏兵在南岸者望之爭橋北

渡俄而橋絕溺死者甚衆苗將百許人泊於小渚以待

南援

溺奴狄翻將即亮翻下同

官軍不至爾朱氏就擊之左右皆盡

苗赴水死帝傷惜之贈車騎大將軍儀同三司封河陽

侯謚曰忠烈世隆亦收兵北遁丙辰詔行臺源子恭將

步騎一萬出西道楊昱將募士八千出東道以討之

募士

即洛城西門外所募者也

子恭仍鎮太行丹谷築壘以防之

水經注丹水出

上黨高都縣故城東北阜下東南流注於丹谷晉書地道記曰縣有太行關丹溪為關之東谷塗自此去不復

由關矣行戶剛勸

考異曰伽藍記云源

世隆至建州

子恭揚寬領步騎三萬鎮河內

今從魏書

慕容永分上黨置建興郡魏真君元年省和平五年復置郡永安中罷郡置建州治高都城領高都長平安平

恭寧郡據五代志建州即唐澤州之地

刺史陸希質開城拒守世隆攻拔

之殺城中人無遺類以肆其忿唯希質走免詔以前東

荊州刺史元顯恭為晉州刺史

魏孝昌中置唐州建義元年改曰晉州治白馬

城領平陽西河南絳北絳永安北五城定
陽西平城數城河西五城冀氏義寧郡
無尚書左僕

射西道行臺 魏東徐州刺史廣牧斛斯椿
廣牧縣漢朔方東部

都尉治所也魏省朔方以廣牧縣屬新興郡魏收志屬朔州附化郡考椿傳椿廣牧富昌人則又似廣牧自為

一郡也斛斯鷹複姓素依附爾朱榮榮死椿懼聞汝南王悅在境

上乃帥部衆棄州歸悅
帥讀曰悅下同悅授椿侍中大將軍司

空封靈丘郡公又為大行臺前驅都督 汾州刺史爾

朱兆聞榮死自汾州帥騎據晉陽
騎奇計翻世隆至長子考

異曰魏帝紀云世隆傳建
興之高都今從世隆傳 兆來會之壬申共推太原太

守行并州事長廣王曄即皇帝位

守式又翻

大赦改元建明

曄英之弟子也

中山王英著功於太和正始之間

以兆為大將軍進爵

為王世隆為尚書令賜爵樂平王加太傅司州牧又以

榮從弟度律為太尉賜爵常山王

從才用翻

世隆兄天柱長

史彥伯為侍中徐州刺史仲遠為車騎大將軍兼尚書

左僕射三徐州大行臺仲遠亦起兵向洛陽

三徐州徐州徐州彭城

北徐州治琅邪永安二年置領東泰山琅邪二郡東徐州治下邳此皆長廣王所除授

爾朱天光

之克平涼也宿勤明達請降

宿勤明達與万俟醜奴既皆胡琛將也降戶江翻

而復叛北走天光遣賀拔岳討之明達奔東夏

東夏唐之延州

夏戶雅翻

岳聞爾朱榮死不復窮追

復扶又翻

還涇州以待天光

天光與侯莫陳悅亦下隴與岳謀引兵向洛魏敬宗使

朱瑞慰諭天光天光與岳謀欲令帝外奔而更立宗室

更工衡翻

乃頻啟云臣實無異心唯欲仰奉天顏以申宗門

之罪又使其下僚屬啟云天光密有異圖願思勝算以

防之

天光設兩端以疑魏朝

范陽太守盧文偉誘平州刺史侯淵

出獵閉門拒之

淵本鎮平州鎮范陽范陽即涪屯於郡

涪音酉

南為榮舉哀

偽為于翻

勒兵南向進至中山行臺僕射魏蘭

根邀擊之為淵所敗

賈敗補翻

敬宗以城陽王徽兼大司馬

錄尚書事總統內外徽意謂榮既死枝葉自應散落及

爾朱世隆等兵四起黨衆日盛徽憂怖不知所出

怖普布翻

性多嫉忌不欲人居已前每獨與帝謀議羣臣有獻策

者徽輒勸帝不納且曰小賊何慮不平又靳惜財貨賞

賜率皆薄少

靳居岌翻少詩治翻

或多而中減或與而復追故徒

有糜費而恩不感物

史言徽誤魏主復扶又翻

十一月癸酉朔敬宗

以車騎將軍鄭先護為大都督與行臺楊昱共討爾朱仲遠乙亥以司徒長孫稚為太尉臨淮王或為司徒丙

子進雍州刺史廣宗公爾朱天光爵為王

自此以上至鄭先護官爵

皆敬宗所授

長廣王亦以天光為隴西王爾朱仲遠攻西兗

州

魏太和中置西兗州於滑臺孝昌中置西兗州於定陶下云仲遠於賀拔勝戰於滑臺東則是時猶以滑

臺為西兗州也

丁丑拔之擒刺史王衍衍肅之兄子也

王肅去齊入魏

而貴顯

癸未敬宗以右衛將軍賀拔勝為東征都督壬辰

又以鄭先護兼尚書左僕射為行臺與勝共討仲遠戊

戊詔罷魏蘭根行臺以定州刺史薛曇尚兼尚書為北

道行臺

曇徒含翻

鄭先護疑賀拔勝置之營外庚子勝與仲遠

戰於滑臺東兵敗降於仲遠初爾朱榮嘗從容問左右

曰

從于容翻

一日無我誰可主軍皆稱爾朱兆榮曰兆雖勇

於戰鬪然所將不過三千騎多則亂矣堪代我者唯賀

六渾耳因戒兆曰爾非其匹終當為其穿鼻

譬之以牛牛鼻既穿

則為人所制

乃以高歡為晉州刺史及兆引兵向洛遣使召歡

歡遣長史孫騰詣兆辭以山蜀未平

蜀人從汾晉依山而居者謂之山蜀

今方攻討不可委去致有後憂定蜀之日當隔河為犄

角之勢

犄居蟻翻

兆不悅曰還白高晉州吾得吉夢夢與吾

先人登高丘丘旁之地耕之已熟獨餘馬蘭

本草蠡實馬蘭子也

出冀州圖經曰馬蘭子生河東川谷葉似薤而長厚衍義曰馬蘭葉牛馬皆不食為纔出土葉已硬也

先

人命吾拔之隨手而盡以此觀之往無不克騰還報歡

曰兆狂愚如是而敢為悖逆吾勢不得久事爾朱矣

為歡

起兵討爾朱張本悖蒲內翻又蒲沒翻

十二月壬寅朔爾朱兆攻丹谷都

督崔伯鳳戰死都督史忸龍開壁請降

忸宜古翻降戶江翻

源子

恭退走兆輕兵倍道兼行從河橋西涉渡

考異曰伽藍記云從雷

波涉渡今從魏書兆傳

先是敬宗以大河深廣謂兆未能猝濟

昔

薦

是日水不沒馬腹甲辰暴風黃塵漲天兆騎叩宮門

宿衛乃覺彎弓欲射

騎奇計翻下同射而亦翻

矢不得發一時散走

華山王鷲斤之玄孫也

斤亂代事見一百四卷晉孝武太元元年魏以此始亦以此終

天邪人邪

素附爾朱氏帝始聞兆南下欲自帥諸軍討之鷲

說帝曰黃河萬仞兆安得渡帝遂自安及兆入宮鷲復

約止衛兵不使鬪

帥音率說式芮翻復扶又翻

帝步出雲龍門外遇

城陽王徽乘馬走帝屢呼之不顧而去

徽預國大謀敗不即死去將安

之兆騎執帝鎖於永寧寺樓上帝寒甚就兆求頭巾

頭巾

所謂禡頭也

不與兆營於尚書省用天子金鼓設刻漏於庭

撲殺皇子

皇子爾朱后所生也撲弼角翻

汙辱嬪御妃主

汙烏故翻嬪毘賓翻

縱

兵大掠殺司空臨淮王彧尚書左僕射范陽王誨青州

刺史李延寔等城陽王徽走至山南

山南伊潁南山之南也

抵前

洛陽令寇祖仁家

考異曰魏書作寇彌按寇讚諸孫所字皆連祖字或者名彌字祖仁今

從伽藍記

祖仁一門三刺史皆徽所引拔以有舊恩故投之

徵齋金百斤馬五十匹祖仁利其財外雖容納而私謂

子弟曰如聞爾朱兆購募城陽王得之者封千戶侯今

日富貴至矣乃怖徵云官捕將至令其逃於他所怖普布翻

使人於路邀殺之送首於兆徵背散宗而祖仁亦背徵惡殃之報何速哉蒼蒼之

不可欺也如此兆亦不加勳賞兆夢徵謂已曰我有金二百斤

馬百匹在祖仁家鄉可取之兆既覺覺古孝翻意所夢為實

即掩捕祖仁徵其金馬祖仁謂人密告望風歎服云實

得金百斤馬五十匹歎誠實也獄囚招承之兆疑其隱

匿依夢徵之祖仁家舊有金三十斤馬三十四盡以輸

兆兆猶不信發怒執祖仁懸首高樹大石墜足捶之至

死

捶止
榮翻

爾朱世隆至洛陽

自長子至
洛陽也

兆自以為已功責

世隆曰叔父在朝日久

世隆榮從弟兆榮從子故呼世隆為叔父靈后臨朝之時世隆

已在朝故曰日久朝直遙翻

耳目應廣如何令天柱受禍按劍瞋目

聲色甚厲

瞋七
人翻

世隆遜辭拜謝然後得已由是深恨之

為爾朱兄弟叔姪互相猜疑以致夷滅張本

爾朱仲遠亦自滑臺至洛戍申

魏長廣王大赦爾朱榮之死也敬宗詔河西賊帥紇豆

陵步蕃使襲秀容

步蕃居北河之西統豆陵虜三字姓魏書官氏志次南諸姓有統豆陵氏

音所類翻統音下沒翻

及兆入洛步蕃南下兵勢甚盛故兆不服

久留亟還晉陽以禦之使爾朱世隆度律彥伯等留鎮

洛陽甲寅兆遷敬宗於晉陽兆自於河梁監閱財資

河梁

即河橋監工咸翻

高歡聞敬宗向晉陽帥騎東巡欲邀之不及

因與兆書為陳禍福不宜害天子受惡名兆怒不納爾

朱天光輕騎入洛見世隆等即還雍州

帥讀曰率騎奇計翻為于偽翻

雍於用翻

初敬宗恐北軍不利

北軍謂源子恭鎮丹谷之軍也

欲為南走之

計託云征蠻以高道穆為南道大行臺未及發而兆入

洛道穆託疾去世隆殺之主者請追李苗封贈世隆曰

當時衆議更一二日即欲縱兵大掠焚燒郭邑賴苗之

故京師獲全天下之善一也不宜復追復扶爾朱榮之

死也世隆等徵兵於大寧太守代人房謨魏收志魏孝

郡屬建州其地當在唐澤謨不應前後斬其三使使疏

遣弟毓詣洛陽及兆得志其黨建州刺史是蘭安定是蘭

姓也安執謨繫州獄郡中蜀人聞之皆叛此謂蜀人之

定其名居泰寧者亦

汾蜀絳蜀之類也

安定給謨弱馬令軍前慰勞

勞力到翻

諸賊見謨

莫不遙拜謨先所乘馬安定別給將士

將即亮翻

戰敗蜀人

得之謂謨遇害莫不悲泣善養其馬不聽人乘之兒童

婦女競投草粟皆言此房公馬也爾朱世隆聞之捨其

罪以為其府長史北道大行臺楊津以衆少留鄴召募

欲自溢口入并州會爾朱兆入洛津乃散衆輕騎還朝

少詩沼翻溢音釜騎奇計翻朝直遙翻

爾朱世隆與兄弟密謀慮長廣王

母衛氏干預朝政伺其出行遣數十騎如劫盜者於京

巷殺之

直曰街曲曰巷京巷洛京之曲巷也朝直遙翻伺相吏翻

尋懸榜以千萬錢

募賊甲子爾朱兆縊敬宗於晉陽三級佛寺

年二十四廢帝謚帝

曰武懷皇帝及孝武帝立以廟諱改謚曰孝莊皇帝廟號敬宗縊於賜翻又於計翻

并殺陳留王

寬是月紇豆陵步蕃大破爾朱兆於秀容南逼晉陽兆

懼使人召高歡并力

考異曰北齊慕容紹宗傳兆召高祖紹宗諫曰今天下擾攘人懷

覬覬正是智士用策之秋高晉州才雄氣猛英略蓋世譬如蛟龍安可借以雲雨兆怒曰我與晉州推誠相待

何得輒相間阻因紹宗數日乃釋之北史紹宗語在神武請帥降戶就食山東下按兆始召歡以自救非猜嫌

之從北史僚屬皆勸歡勿應召歡曰兆方急保無它慮遂

行歡所親賀拔焉過兒請緩行以弊之歡往往逗留辭

以河無橋不得渡

此河蓋汾河也

步蕃兵日盛兆屢敗告急於

歡歡乃往從之兆時避步蕃南出步蕃至平樂郡

平樂郡據

爾朱兆傳當作樂平郡後漢獻帝分太原置樂平郡治沾城唐遼州即其地

歡與兆進兵合

擊大破之斬步蕃於石鼓山

魏收志秀容郡秀容縣有石鼓山

其衆退

走兆德歡相與誓為兄弟將數十騎詣歡通夜宴飲初

葛榮部衆流入并肆者二十餘萬為契胡凌暴

契胡爾朱之種

人也契訖翻

皆不聊生大小二十六反誅夷者半猶謀亂不

止兆患之問計於歡歡曰六鎮反殘不可盡殺

自破六韓拔陵

杜洛周之敗其衆盡歸葛榮皆六鎮人也

宜選王腹心使統之有犯者罪其

帥

帥所類翻

則所罪者寡矣兆曰善誰可使者賀拔允時在

坐

坐但類翻

請使歡領之歡拳毆其口折一齒曰平生天柱

時

奴輩伏處分如鷹犬

毆鳥口翻歡自謂也詭為遜辭使兆不疑已折而設翻處昌呂

翻分扶問

翻下同

今日天下事取捨在王而阿鞠泥敢僭易妄

言

請殺之

賀拔允字阿鞠泥易以跋翻

兆以歡為誠遂以其衆委焉

歡以兆醉恐醒而悔之遂出宣言受委統州鎮兵

魏改六鎮

為州葛榮部衆皆六
鎮人故曰州鎮兵
可集汾東受號令乃建牙陽曲川

水經注汾水自汾陽縣南流逕陽曲城西陽曲在秀容
之南地形志陽曲縣二漢屬太原郡後魏永安中置永
安郡陽曲縣屬焉宋白曰唐忻州秀容定襄二縣皆漢
陽曲縣地河千里一曲縣當其陽故曰陽曲後漢末移
陽曲縣於并州太原縣界於舊陽曲縣置定襄縣又分
置九原縣屬新興郡後魏以九原縣為平冠縣隋為秀
容縣陳部分軍士素惡兆而樂屬歡分扶問翻惡鳥莫不

皆至居無何居無何言在事未多時又使劉貴請兆以

并肆頻歲霜旱降戶掘田鼠而食之降戶面無穀色徒

汙人境內并肆之地北統請令就食山東并肆冀定瀛

內也汙為故翻相殷以太行

常山為限并肆在山西餘州皆在山東歡欲引眾就食山東正欲遠兆得以從容收眾心因之以起兵也待

溫飽更受處分兆從其議長史慕容紹宗諫曰不可方

今四方紛擾人懷異望高公雄才蓋世復使握大兵於

外復扶又翻

譬如借蛟龍以雲雨將不可制矣兆曰有香火

重誓何慮邪

重誓謂與歡誓為兄弟

紹宗曰親兄弟尚不可信何

論香火

時爾朱兆與其羣從已構嫖隙故紹宗以此言諷之

時兆左右已受歡金

因稱紹宗與歡有舊隙兆怒囚紹宗趣歡發趣讀曰促歡自

晉陽出滏口道逢北鄉長公主自洛陽來有馬三百匹

盡奪而易之兆聞之乃釋紹宗而問之紹宗曰此猶是

掌握中物也兆乃自追歡至襄垣

襄垣縣漢屬上黨即後魏屬鄉郡至敬宗

建義元年分置襄垣郡

會漳水暴漲橋壞

水經漳水自屯留縣東北流逕襄垣縣故城南

歡隔水拜曰所以借公主馬非有它故備山東盜耳王

信公主之讒自来賜追

歡稱兆為王因長廣王所封也

今不辭度水而

死恐此衆便叛兆自陳無此意因輕馬度水與歡坐幕

下授歡刀引頸使歡斫之

古之豪雄推赤心置人腹中者必其威望有以服其心智

力足以制其命然後行之以安反側然亦未至如爾朱兆之輕率也

歡大哭曰自天柱之

薨賀六渾更何所仰但願大家千萬歲以申力用耳今

為旁人所搆間大家何忍復出此言

歡之此言亦謬為恭敬耳歡以主事

兆故稱為大家間古覓翻復音扶又翻下同

兆投刀於地復斬白馬與歡為

誓因留宿夜飲尉景伏壯士欲執兆

尉紆勿翻

歡齧臂止之

曰今殺之其黨必奔歸聚結兵饑馬瘦不可與敵若英

雄乘之而起則為害滋甚不如且置之兆雖驍勇凶悍

無謀不足圖也

不足圖者謂其易圖也史言舉大事旦者必審而後發驍堅克翻悍侯肝翻

日兆歸營復召歡歡將上馬詣之

上時掌翻

孫騰牽歡衣歡

乃止兆隔水肆罵馳還晉陽

當是時爾朱兆已知高歡之不可制而無如之何

兆腹心念賢領降戶家屬別為營歡偽與之善觀其佩刀

因取殺之

按通鑑念賢後仕於西魏貴顯此豈別有一念賢邪又按李百藥北齊書歡取賢佩刀以

殺其從者從者盡散則謂所殺者賢之從者非殺賢也姓譜有念姓

士衆感悅益願附從

齊州城民趙洛周聞爾朱兆入洛逐刺史丹陽王蕭

贊以城歸兆贊變形為沙門逃入長白山

五代志齊州章丘縣舊曰

高唐有長白山杜佑曰長白山在淄州長山縣

流轉卒於陽平

陽平縣漢屬東郡魏晉以來分

屬陽平郡隋唐魏州之莘縣即其地卒子恤翻

梁人或盜其柩以歸上猶以子

禮葬於陵次

豫章王綜奔魏改名贊事見一百五十卷
晉通六年贊不以帝為父而帝猶以贊為

子可謂愛其所不當愛矣

魏荊州刺史李琰之韶之族弟也

南陽太守趙修延以琰之敬宗外族

敬宗母彭城王勰妃李氏也故云然

誣琰之欲奔梁發兵襲州城執琰之自行州事 魏王

悅改元更興

更興行翻

聞爾朱兆已入洛自知不及事遂南

還斛斯椿復棄悅奔魏

為斛斯椿誅爾朱世隆兄弟構
間高歡以分魏為東西張本復

扶又翻

是歲詔以陳慶之為都督南北司等四州諸軍

事南北司二州刺史

梁置南司州於安陸北司州於義陽

慶之引兵圍魏

懸瓠破魏潁州刺史婁起等於溱水

魏孝昌四年置潁州於汝陰領汝陰

弋陽北陳留潁川財丘梁興西恒農陳南東郡汝南清河

農新興等郡水經注溱水出汝南平輿縣浮石嶺東北

青衣山東南逕朗陵縣故城西東北逕北宜春縣故城北

又東北入於汝溱緇翻又破行臺孫騰等於楚城

宋白曰蔡州城南有溱水

西楚州於楚城在汝南郡城陽縣界其地當在唐申州界

按孫騰此時猶從高歡在并冀殷相之間慶之破騰必

非此年事史

究言之耳罷義陽鎮兵停水陸漕運江湖諸州並得

休息

謂潁江及洞庭彭蠡間諸州也

開田六十頃二年之後倉廩充實

資治通鑑卷一百五十四